

Mak tiratna Kam Wemban Lan Outna kam

Makna outna timbigta kapna kamma ma gain-dopatna, “Ganna Iesus Karaisna kam wemban lan, na ma Raranj Aetaniacna Nuoc.” Na gan timbigta kap mbuņa aia watnandet, Iesusa ma i aniacapa gargarap, na ainta aiņira ma morena. Na aia watnandet, Iesus ma gargarapa i aniacap, aintik ma ainta aiņira morena. Na mana gargarapa i aniaca aia watnandet, an minna ma meikramtairmo riptiar neaņnande, na ma ņerņgaur ņgorikca mo kecarinande, na ma meikramtairta tipemb ņgorikta makukara mo kecarinande. Na Iesusa ma ndomo gainda ņgacnande, “Aku Ramootna Nuoc.” Na ma aindopnande, ma ndona eteacna wat neaņna kįprina, te, ma meikramtair witmo oiknandet. Ne sapta 10 wes 45na inikca wat.

Na Makca ma Iesusna aiņna ninini witta morina, na ma Iesusa meikramtairmo ripti neaņna kamb witna nininia ma mba moatke. Na out ņgoinna ma kitac puk neaņrena ramoot Ionna aiņna nininia moatna, na Iesusa kitac puk aņgiratke, na Ramoot Mbikca Iesusmo towairina. Na iņmbaia aia watrinanna, Iesusa meikramtaira ainta makukar mbukca eacrenanmo kadmairena, na ma minmo ripti neaņrina. Na out ņgoinna mana iņa raņgairena ramtaira man morena reikta miniņta moca

mba giwaca lamñiri, na mina lañan, lañanna landamñi maanjiat.

Na aia mac watnande, meikramtaira Iesusmo punndamootta morina, na mina makukar witta mamoneanrina. Na gan kam wemban laña mamamaina kamma, Makca Iesusna memencapana nda ngengepna nininia morina.

Iesua Rarañ Aetaniacna bubuocna kam ndopna kiprina

(1.1—3.6)

Kitac puk neanrena ramoot Ionna kam wiwiti-atna

(Matiu 3.1-12 na Luk 3.1-9 na 3.15-17 na Ion 1.19-28)

¹ Ganna Iesus Karaisna kam wemban lañ, na ma Rarañ Aetaniacna Nuoc.*

² Na an kam wemban laña ramma morina ramoot Aisaia, ma atuna turrina kirar ndaruatna. Na Ionna aindopatna, “Ne warac. Aku ramoot ianmo mbagirica ma outta tanca aukna kam ndop te. Ma una taupembca ma outta kocronande.” ³ Na ramtair kocorta taupca, ramoot ianna kam keca gaindopnandet, “Kacootna taup kocro, na mana taupembmo wandonjai.”

⁴ Ainda moca kitac puk neanrena ramoot Ion, ma an ramtair ngocorta taup ndaruca anna

* **1:1** An minna Iesua kiprinanna, ma Rarañ Aetaniacna kam wemban lañmo meikramtairmo wiwitorina. Na an kam wemban lañ, anna reik lainga Rarañ Aetaniaca tongoca meikramtairmo mo ndoprina. **1:2** Ais 40.3, na Mal 3.1, na Mt 11.10, na Lk 7.27

1:3 Ais 40.3, na Mt 3.3, na Lk 3.4, na In 1.15, na 1.23 **1:4** Up 13.24, na 19.4

tikca meikramtairmo kam wiwitica, mina iroar inkar ngetrikica kitac puk anġiatna. Te, Raraġ Aetaniaca mina tipemb ngorikta makukarmo moi kecarinandet. ⁵ Na Iudiana pitrik waġapa Ierusalem auġ aniacna meikramtaira muruġa Ion ndambuġa taġrina, mina ndorita tipemb ngorikta makukarmo mbopri, ma minmo oc Iodanna tikca kitac puk neanġatna.

⁶ Na Ion tikca, mana tik nġapaoca mina kamelna rikar punġa moatna, na mana riktacniġa ma weaond tikrena. Na mana gagamna reikca, ma raġna kaborborarapa manonnonġar ambrena. ⁷ Na ma meikramtairmo gan kammo gaimda wiwitorina, “Ramoot ianna aukna inġmbai nakiprena, mana gargara aukmo tamuġmbai nġoin. Na aku ramoot laġ nġoinna wanaiġ, aintik aku manmo tutupniġ riġbitca mana ortimbikniġna or nġapaocna nġatik piarna minna wanaiġ. ⁸ Amda moca aku nemo puk niġġik mbuġa kitac puk neanġrena, na ma ndo nenmo Neronġ Rat mbuġa kitac puk neanġnande.”

*Ionna Iesusmo kitac
puk neanġatna*

(Matiu 3.13-17 na Luk 3.21-22)

⁹ Karica Iesusa an kidrikca Galilina pitrik waġna inikna auġ teker Nasaret tikcarica ma makipat. Ri, Ionna manmo oc Iodanna tikca kitac puk maneangat. ¹⁰ Na ma kitac puk anġica gacatke, ma wattatnanna tamuġna auġa gootca,

1:6 TN 11.22, na 2 GRP 1.8, na Mt 11.8 **1:7** Up 13.25 **1:8**
Ais 44.3, na Iol 2.28, na Up 2.4, na 10.45, na 1 Ko 12.13

Neronj Ratta ngorac riɲnaina kirar toc ngirikca manmo mambiracat. ¹¹ Karica tamuɲna auɲa kam ianna keca gaindopatna, “U aukna Nuoc ngoin. Aku unmo matɲirena, na aukna iro inikca umo tonɲon ngoin.”

*Ramoot Mbikca Iesusmo towaiatna
(Matiu 4.1-11 na Luk 4.1-13)*

¹² Ainda moca Neronj Ratta Iesusmo an min ngoinna tikca manmo mandaca ma ramtair kocorta taupca tanɲatna. ¹³ Ri, Ramoot Mbikca manmo ra kabe, kabea tikca towaia tan, tanɲa rai 40na min. Na ma ranɲa amta ngoaebap eacrina. Ri, Raranj Aetaniacna mbaiɲna aiɲa morena nɲerɲgaura manmo otacatna.

*Iesusa ndona aiɲa Galilia
tikca moa ngepatna*

(Matiu 4.12-17 na Luk 4.14-15)

¹⁴ Karica mina kitac puk neanɲrena ramoot Ionmo kac ngoreaca tikitke, Iesusa Galilina pitrikca tanɲa, Raranj Aetaniacna aiɲna kam wembanj lanɲmo wiwitica tanɲrina. ¹⁵ Na ma gaindopatna, “Raranj Aetaniaca mbopatna kidrikca kipca malaruri, na mana bubuoca gade ma kipca marambuɲairi. Ne ndorita iroar inkar ngetrikica kam wembanj lanɲa ripac.”

Iesusa ramtair paarmo aca mina mana ranɲaiatna

(Matiu 4.18-22 na Luk 5.1-11)

1:11 RL 22.2, na Nɲap 2.7, na Ais 42.1, na Mt 3.17, na 12.18, na Mk 9.7, na Lk 3.22 **1:13** Nɲap 91.11-13 **1:14** Mk 6.17 **1:15** Dan 9.25, na Mt 3.2, na Gal 4.4, na Epe 1.10

¹⁶ Karica Iesusa tanġa, Galili miarna roumbca tanġri, na ma wattatnanna Saimonapa mana lapmbitac Andruap, maniġa miarmo weaġ keru. Na an aiġ mbuġa maniġa kituknduk aġġirena.

¹⁷ Na ma maniġmo aindopatna, “Onġo kipca aukmo ranġai te, an onġo nġoaeb aġġirena kirara, aku onġmo meikramtair aġġina tipemb kirarir riptinande.” ¹⁸ Aindopatke, maniġa anduna weaġgair tikcarica nġepca manmo ranġaica matanġat.

¹⁹ Karica ma mac tanġa mandaca, ma Sebedina nuocniġ mawatat. Iemisapa Ion, maniġa embarta kor inikca mbiraca ndoniġna weaġgair titacrinanna urpemb iukri. ²⁰ Ma tawi nġoin motemma maniġmo aca mbopatke, maniġa ndoniġna aetapa mina aiġa morina ramtairmo kor inikca tikcarica, maniġa gaca mana iġa ranġaiatna.

*Iesusa ramoot ianna nġeroġ nġoreacap eacrenanna
moa kecaririna
(Luk 4.31-37)*

²¹ Karica Iesusa an ramtair pauraġ, Kapaneam auġ matanġat. Ri, Wiktitikna Ra laruatke, ma mina Iudana mimitpac aġġirena kaca mbukka, meikramtairmo riptirina. ²² Na mina mana kam mbaraca, mina nġep nġoreac nangepri. An kambca, ma minmo riptiri, an mina tipemb wandik tamġirena ramtair morina kirara mba

1:17 Mt 13.47, na Lk 5.1-11 **1:18** Mt 4.20, na 19.27, na Lk 5.11 **1:21** Mt 4.13 **1:22** Mt 7.28-29

riptiri. Wanaiŋ ngoin, ma an irembapta ramootna kirara ma minmo mariptiat.

²³ Na an kidrik toco, ramoot ianna ŋeronŋ ngoreacapnanna, ma an mina Iudananta mimitpac anŋirena kac inik ndeacrina. Ainda moca an ramootta kam keca gaindopatna, ²⁴ “Nasaret auŋna Iesus, u aimo kaia mona kipapekna? U aimo mo ngocraina moa kipri ki? Na aku umo lamŋirena, u Raraŋ Aetaniacna Ramoot Rat.” ²⁵ Ri, Iesusa an ŋeronŋmo kaega moca manmo gaindopatna, “U watitica, an ramootmo tikcarica laruca taŋ!” ²⁶ Aindopatke, an ŋeronŋ ngoreaca an ramootmo moca ma nekca, kam aniaca keca, manmo tikcarica matanŋat. ²⁷ Na meikramtaira anna watca, ŋgep ngoreac nanŋepca, mina ndorita rikmo aindopatna, “Kaina reaca mandeaca gaind ndaruapekna? Gan ramootta kam ŋgam ianna riptiapekna, na anna irembta ramtairta kirar. Na ma ŋerŋgaur ŋgorikmo kam ndop te, mina mana kam mbaracrena.” ²⁸ Ainda moatke, tawi ngoinna, mana moatna reikta kambta nininia Galilina pitrik waŋna auŋembca muruŋ matanŋat.

Iesusa Pitana meacna aemna roumbmo moa laŋa moatna

(Matiu 8.14-15 na Luk 4.38-39)

²⁹ Karica Iesusapa meikramtair ndeida mina Iudana mimitpac anŋirena kac tikcarica laruca, mina anduna Saimonapa Andru mbaniŋna kac matanŋat. Na Iemisap Ion toco minap

matangat. ³⁰ Na mina kaca mbukca wat-tatnanna, Saimonna meacna aemma, ma tik owowaina roumbap tik, ma bara meraca eacri, mina tawi ngoinna mana roumbna kammo Iesusmo mbopca mawaracat. ³¹ Ke, Iesusa tanja mana par ngutinga, manmo mana bara tikca anjia ngepatke, mana roumbca laj mamoot. Na ma mina gagamna amta reik manjombacri.

*Iesusa meikramtair witta
moa laja moatna*

(Matiu 8.16-17 na Luk 4.40-41)

³² Karica ra irikca wigwacmbaina min mbuŋa tikatke, mina nerngaur ngorikta meikramtairmo Iesus ndambuŋ naanjia makipat. ³³ Na an auŋ aniacna meikramtaira muruŋa kipca Saimonapa Andru mbanijna kacna tiŋ kamma punica eacri. ³⁴ Na ma an nanrirta roumbbehta meikramtairmo moa laja mori, na an nerngaur ngoriktan motoca ma moa kecaririna. Na an nerngaur ngorikca manmo lamjirena, aintik ma minmo wandik tikca mina mac mbopna towanaiŋ.

*Iesusa Galili inikna aujembmo tanjina
(Luk 4.42-44)*

³⁵ Na auŋ raruri, Iesusa ngepca laruca tanja ramtair kocorta taupca tanja mambendeiri. ³⁶ Na Saimonapa mana iŋa ranjairena ramtaira ngepca, mina mana orena matangat. ³⁷ Na mina tanja manmo watca, mina manmo gain-dopatna, "Meikramtaira muruŋa una moca mina

1:34 Mk 3.11-12, na Lk 4.41

1:35 Mt 14.23, na Mk 6.46, na

Lk 4.42

orerena.” ³⁸ Ainda moca ma minmo aindopatna, “Watcari, aia an auṅembca rambuṅa eacre-nanna taṅca, aku min motoca wiwitina. Aku an aiṅ niṅgikca mona nakiprina.” ³⁹ Aintik ma Galili inikna auṅembca muruṅa taṅga, mina Iudananta mimitpac aṅgirena kaikca mbukca minmo wiwitiri, na ma ṅerṅgaur ṅgoriktanmo moa kecarica mina laiṅ mamori.

Iesua roub lepaapna ramoot ianmo moa laṅa moatna

(Matiu 8.1-4 na Luk 5.12-16)

⁴⁰ Karica roub lepaapna ramoot ianna Iesusna kitim nakipca, tutupniṅ rimbicca aemanmanap, manmo aindopatna, “U toṅgo te, u aukmo moi ratta mo.” ⁴¹ Na ma mana moca kakadmai ṅgoin, aintik ma ndona parmo mana tikmo utiṅga, manmo aindopatna, “Aku toṅgorina. U rat ndaru.” ⁴² Aindopatke, an roub lepa an ramootmo andu namamaiat, na mana tikca laṅ mamoot. ⁴³ Ri, ma manmo tawi ṅgoinna mandaca taṅga, na ma manmo kam gargar mbuṅa aindopatna, ⁴⁴ “U matau wat, u ramoot ianmo kai mbop teac, an reaca unmo laruapekna. Kari ṅgoin. U taṅca ndona tikmo taup ndamootta wandac te, u gimbambaca mo, an tipna kirara atua Mosesa mbopatna. Te, mina watca lamṅinande, una roubca mamairi.” ⁴⁵ Na an ramootta ma taṅga meikramtairmo, an reikca man ndaruri-nanmo, ma ninia mataṅri. Na an nininia ma auṅembmo tamtamma ninia taṅri. Aintik

1:39 Mt 4.23, na 9.35 **1:44** TN 14.1-32, na Mk 3.12, na 7.36, na Lk 5.14

Iesusa meikramtairta lamnikmo, an auņembmo mbukna towanaiņ, ma an auņemb ņgocorta taupca eacri, na auņembta meikramtaira man ndambuņ nakiprena.

2

Iesusa tik memenacna ramootta moa laņa moatna

(Matiu 9.1-8 na Luk 5.17-26)

¹ Karica rai ndepikca taņgatke, Iesusa Kapaneam auņ teker mac nda taņgat ke, meikramtaira waracatnanna, ma taņga kac ndeacri. ² Mina taņga punica kaca minna tikatke. Na kacna tiņ kam toco, minna tikca taup emtemma eac ņgocor. Na anna tikca ma minmo kam wiwitiatna. ³ Karica ramtair paura tik memenacna roumbbehta ramoot ianna mina Iesus ndambuņa aņģica makipat. ⁴ Na mina manmo aņģica Iesusna kitimma tikna towanaiņ, an taupca minna tikrina. Aintik mina mammo aņģica kac kopik tamuņ nagaca, an kac kopik kataca poloca mana barmo ņgair ikca an Iesusa eacrenan motemmo, manapa mana barmo an ndiņa kacrepca irikatna.* ⁵ Na Iesusa watri, mina ritipaikca gagnar koind tik, ma an roumbbehta ramootmo aindopatna, "Moonnuoc, aku una tipemb ņgorikta makukara aku moa kecamacariri."

* **2:4** Mina kac kopik kataca poloca mana barmo ņgair ikca an Iesusa eacrenan motemmo, manapa mana barmo an ndiņa kacrepca irikatna. An ninini toco, Luk sapta 5 wes 19na inikna timbigta kap toco eacrena. **2:5** Lk 7.48

⁶ Na tipemb wandik tamñirena ramtair ndeida an kac inikca mbiraca eacrinanna, mina iroar inkara gaind ndamñiatna, ⁷ “Kaina moca gan ramootta gan kam tip ndopapekna, ma Rarañ Aetaniacna taup aņgina more ki? Na ramoot ianna tip ñgoreacna makukca mo kecarina minna wanaiñ, anna Rarañ Aetaniacna ndo kabe ningikna aiñ.” ⁸ Ri, ma mina iroar inkarmo, ma ndona iro inik mbuña ma tawi ñgoinna maañgiat. Na ma minmo gainda digiatna, “Kaina moca nena iroar inkara gaind ndamñirena? ⁹ Kaina kamma aku gan tik memenacna roumbapna ramootmo wetwet ndopit, ‘Una tip ñgoreacna makukca aku moa kecamacariri,’ co, ‘U ñgepca witikca ndona bar aņgica tañ?’” ¹⁰ Aintik ne gaind ndamñi, Ramootna Nuoca ma gan tiacarpaikmo ma gargar aniacap, na ma tipemb ñgorikta makukarmo mo kecarina min. Ri, ma gan tik memenacna ramootmo watta taņa gaindopatna, ¹¹ “Aku unmo mambopek, u ñgep witikca ndona bar aņgica, ndona kaca tañ.” ¹² Ri, ma ñgepca witikca ndona barmo rukumbca aņgica, mina lamnik ñgoutta, ma tawi ñgoinna ndona kac mataņgat. Aında moatke, mina muruña ñgep ñgoreac naņgepca, mina Rarañ Aetaniacna imo aņgia maņgepri. Na mina gaindopatna, “Ñgaua aia ainta reac ianna mba watri, wanaiñ ñgoin.”

*Iesusa Liwaimo acatna
(Matiu 9.9-13 na Luk 5.27-32)*

¹³ Karica Iesusa Galili miarna manjar mac nda matangat. Na meikramtair wit aniaca man ndambun nakipri, ma minmo riptirina. ¹⁴ Ri, ma tanja mandaca, ma Alpiusna nuoc Liwaimo mawatat, na ma kitukndukar iurena aijnna taupca mbiraca eacrina. Na ma manmo aindopatna, “U kipca aukmo rangai.” Ri, ma ngepca manmo marangaiat.

¹⁵ Karica ma tanja Liwaina kaca amna mam-biracat. Na kitukndukar iurena ramtair witapa, tipemb ngorikta makukara morena ramtaira mina Iesusapa mana ija rangairena ramtairap mbiraca ambri. Na aintocna ramtair wit aniaca memetmbaca mina manmo rangairina. ¹⁶ Ri, Parisina wiwitna tipemb wandik tamjirena ramtair ndeida, mina watri, ma an kitukndukar iurena ramtairapa tipemb ngorikta makukara morena ramtairap ambri. Na mina mana ija rangairena ramtairmo gaind madigi, “Kaina moca ma kitukndukar iurena ramtairapa tipemb ngorikta makukara morena ramtairap ambrena?” ¹⁷ Ainda moatke, ma an kamma waraca, ma an tipemb wandik tamjirena ramtairmo gaindopatna, “Roumbbeb kocorta meikramtaira mina pitir gagamna ramoot nake mba tanca orerenan, wanain, roumbbehta meikramtaira mina ndori tanca pitir gagamna ramootna orerena. An kirar kabe mbuja aku meikramtair wandoikta, mba acna kiprina, wanain, aku tipemb ngorikta makukara morena

meikramtairta ngacna moca kiprina.”†

*Iesusa amna reacmo wariracna kam ndopatna
(Matiu 9.14-17 na Luk 5.33-39)*

¹⁸ Oit ianna kitac puk neanrena ramoot Ionna ija rangairena ramtairapa Parisina ramtaira, mina wariraca eacri. Na ramtair ndeida kipca Iesusmo gainda digiatna, “Kaina moca Ionna ija rangairena ramtairapa Parisina ramtaira wariracreke, na una ija rangairena ramtaira mba wariracrena?” ¹⁹ Ri, ma minmo aindopatna, “Ramoot ianna langona mo te, ma ndona kam kamkabeap eac te, mina amna reacmo mba waracitndai? Wanaij. Na an minna an langona ramootta minap eac te, mina amna reacmo mba waracitndai. ²⁰ Na inmbaia mina an ramootta langona morinanna angi tanj te, na ma ndona kamkabeap eac ngocor te, ande an kidrikca mina amna reacmo wariracnandet.

²¹ “Na ramoot ianna raranjit ngamna waja mba angica, tik ngapaoc bagarna urupa mba iukrena. Na ma ainda mo te, mina an tik ngapaocmo tuki te, an raranjit ngam wanj anna, ma tanji tekraicai te, ma an tik ngapaocmo mo titacnandet. Te, an iukrena raranjit ngam anna, ma an tik ngapaocna urupa moca acnainandet.

²² Na ramootta wain ngamna pukca mba angica memena injit bagara mba rurena. Ma ainda mo te, an wain pukca ma an memena injitmo mo titacnandet. Te, an wain pukapa memena injitta

† **2:17** Pitir gagamna ramoot: Aia an roubca moa laja morena ramoot, co, rorairena ramootmo aia aind ngacrena, pitir gagamna ramoot.

ngocrainandet. Aintik mina wain puk ngamma, mina memena injit ngamma, an mbuŋa rurena.”

*Ramootna Nuoca ma Wiktitikna Rana Kacoot
(Matiu 12.1-8 na Luk 6.1-5)*

²³ Ri, Wiktitikna Ra ianna Iesusapa mana iŋa ranŋairena ramtaira witna wariŋ rikca taŋri. Na mana iŋa ranŋairena ramtaira mina anna witna lour maanŋiat. ²⁴ Karica Parisina ramtaira mamoo gaimda digiatna, “U warac, Wiktitikna Ra, mina aiŋa mba morena. Na kaina moca una iŋa ranŋairena ramtaira an Wiktitikna Ramo aiŋa moapekna? An tipna kirara anna wandik.”

²⁵ Ri, ma minmo gaind marutiat, “Atua Dewitta moatna reacna nininia Raraŋ Aetaniacna timbigta kap ndeacrinanna, ne anna mba watri, a? Na aku Dewitapa mana ramtairap mina nikembwataica eacrena kam ndoprena. ²⁶ Na an minna Abiatara ma taup ndamoot paŋan aniac ndeacri, Dewitta ma Raraŋ Aetaniacna Ndamma mbukca, ma an tapacar mina Raraŋ Aetaniacna outta tikrenanmo ma anŋica ambca, ma ndona ramtairmo neanŋa mina ambrina. Na an tapacar anna wandik, taup ndamtair tingikca ndori anmo ambrenan. Na ne an kamma mba watre ki, a?”

²⁷ Ri, ma minmo gaind mac mbopatna, “Raraŋ Aetaniaca ma meikramtairmo Wiktitikna Ramo otacna mba tikrina, wanaiŋ, ma Wiktitikna Ramo meikramtair otacna tikrina. ²⁸ Aintik Ramootna Nuoca ma Wiktitikna Rana Kacoot.”

3

*Wiktitikna Ra Iesusa par ngoreacna ramoot
ianmo
moa laņa moatna*

(Matiu 12.9-14 na Luk 6.6-11)

¹ Karica Iesusa Iudananta mimitpac angirena kaca mac nda tanğatna. Na par gagar waņembaia menacrina ramoot ianna, ma an ndeacrina. ² Na ramtair ndeida Iesusna nginaņa matau ngoin mamori, moca ma an ramootmo an Wiktitikna Ra, mammo mo laņa moit, co wanaiņ. Na Iesusa ainda mo te, mina mammo ritri waparaca monande. ³ Ainda moca ma an par ngoreacna ramootmo aindopatna, “U ngepca gan nakipca, gan meikramtair witna lamnik ndaru witik.” ⁴ Ri, ma minmo gaimda digirina, “Aia tip laņa Wiktitikna Ra moit ki? Co, aia tip ngoreaca moit? Co, aia meikramtairmo otacnan, co, aia minmo mo menacnan?” Na ramtairta ianna mana kamma mba rutiatke. ⁵ Ainda moca ma mina watca, ma nikkatacarica, mina iroara gagar koind, aintik ma minmo kadmaica, ma an ramootmo aindopatna, “U ndona parmo lotai.” Ri, ma ndona parmo lotairi, mana para laņ mamoot. ⁶ Ainda moatke, Parisiara anna watca, mina tawi ngoinna an kac inik tikcarica, mina laruca, mina tanğa Erotna tumbunap tikca mina mana mo menacna kam leacrina.

Iesusa ndona gargar wandacrina
(3.7—6.6)

Meikramtairta tumbun aniac miar roumbca puniatna

(Luk 6.17-19)

⁷ Karica Iesusapa mana ija rangairena ramtaira an auj tikcarica mina Galili miar matangat. Na meikramtairta tumbun aniac mana ija rangaica matangat. ⁸ Ri, an aujemb anikpaikta meikramtaira kiprinanna, anna Ierusalem auj aniacnan, Tairnanapa Saidonnan, na kabena pitrik wajnan toco kiprinanna, anna Galilinan, na Iudianan, na Idumeanan, na Iodan ocna pitrik wajmbainan, anna meikramtairta wiwit aniac ngoinna kiprinan, mina man mbopatna reikta kambapa, man morina reikta moca mina kipca mamu mapuniat. ⁹ Ainda moca ma ndona ija rangairena ramtairmo aindopatna, “Meikramtairta tumbun aniac ngoinna maeacreke, aintik ne kor ianna angirca kocro, moca mina aukmo mikca ndianj te, aku an kor nangabuknande.” ¹⁰ Na ngaua ma roumbbehta meikramtair wit aniacmo roumbbebtanna moa laja mori, aintik an roumbbebpnanna, mina ndorita par mbujsmo man ngutijsna morina, ainda moca mina an kabena meikramtairmo ndianj te, mina man ndambujsa taji rambujsaina moca mori. ¹¹ Na an njerngaur njgorikca manmo watca, mina tutpemb rimbitca, mina kamb keca aindoprina, “U Raraj Aetaniacna Nuoc.” ¹² Ainda moca ma an njerngaur njgorikmo wandik gargar ngoin

3:8 Mt 4.25 **3:9** Mt 9.21, na 14.36, na Mk 4.1, na 5.29, na 6.56, na Lk 5.1-3, na 7.21 **3:11** Mk 1.23-24, na Lk 4.41 **3:12** Mt 8.4, na 12.16, na Mk 1.34

matikat, na mina mamō raekca kai mo laru teac, ma mandai ŋgoin.

Iesusa ndona up aŋgirena parniŋap mbut mbuniŋna ramtairmo larapacatna

(Matiu 10.1-4 na Luk 6.12-16)

¹³ Karica Iesusa takur tamuŋ nagacatke, ma ramtair ndeidmo larapaca, ndoap eacna moca ma an ramtairmo aca mina man ndambuŋ makipat. ¹⁴ Na ma larapacrina ramtairta ndunduca parniŋapa mbut mbuniŋna min, mina manap eacnande. Ri, ma minmo, mana up aŋgirena ramtairta i matikat. Te, ma minmo mandaca mina Raraŋ Aetaniacna kammo wiwitina. ¹⁵ Na ma minmo ŋerŋgaur ŋgorikca mo kecarina gagrarapa iremb anikmo neaŋrina. ¹⁶ Na ma larapacrina parniŋapa mbut mbuniŋna minna ramtairta irembca gaind, ianna Saimon, na ma manmo i Pita matikat. ¹⁷ Na ma Sebedina nuocniŋ motocmo ma larapacrina, ianna Iemis, na mana lapmbitaca Ion. Na ma maniŋmo i Boanerges matikat, na an ina miniŋa gaind, “Meikramtaira riacapa weperacna mitmita morena kirar toc.” ¹⁸ Ri, ma gan ramtair motocmo ma larapacatna, Andru, Pilip, Batolomiu, Matiū, na Tomas, na Iemis, ma Alpiusna nuoc, na Tadias, na Saimon ma Selotna wiwitna ramoot ian. ¹⁹ Na Iudas Iskariot, ma ande an ramoot, iŋmbaia ma Iesusmo, ramtairta para tikca mina manmo mo ŋgocrainande.

Mina aindoprina Iesusa ma Belsebulap aiŋa moatna

(Matiu 12.24-32 na Luk 11.14-23 na 12.10)

²⁰ Karica Iesusa kaca taŋgatke, meikramtairta tumbun aniaca mac kipca mapuniri, na man-apa mana iŋa raŋgairena ramtairpaikca, mina gagamna urpemb kocor. ²¹ Ri, mana aemmapa laiplacara an reikca ma morinanna waracatke, mina man aŋgi nakiprina, na mina gaindopatna, “Ma ŋaŋaorina.”

²² Karica tipemb wandik tamŋirena ramtair ndeida, Ierusalem ndiŋ ŋgirikca, mina gaindopatna, “Belsebula manap maeacreke. Aintik ma Belsebulna gargar mbuŋa ŋerŋgaur ŋgorikca moa kecarirena. Na ma ŋerŋgaur ŋgorikta ramoot paŋan.”* ²³ Ri, Iesusa minmo aca kipca ndona kitimma tikca, ma minmo kamb rour ndeid makeat. Na ma minmo aindopatna, “Ramoot Mbikca titoca tikca ndomo, nda mo kecarit? ²⁴ Aintik pitrik waŋ ianna meikramtaira titaca, wiwit mbuniŋ ndaruca, mina ruŋ te, an pitrik waŋa ma mba gagraca eacitndai. ²⁵ Na kamin ianna titaca, wiwit mbuniŋa ndaruca, mina ruŋ te, an kaminna mina mba gagraca eacitndai. ²⁶ Aintik Ramoot Mbikca ndo titaca, mana tumbun toco titac te, mina mba gagraca eacitndai. Mina kocnai topnandet.”

²⁷ Ri, ma gaind mac mbopatna, “Ramoot ianna, ramoot gargarna kaca mbukca mana reik aŋgina toawanaiŋ. Outta ma an ramootmo ŋgatik

3:20 Mk 6.31 **3:21** In 7.5, na 10.20 **3:22** Mt 9.34, na 10.25

* **3:22** Belsebul, anna Ramoot Mbikna i ian. **3:23** Mt 4.10, na Lk 11.17-22 **3:27** Ais 49.24, na Mt 12.29

gargar mbuŋa leac te, ma ainda mo te, ande ma an ramootna reikca kac inik ndeacrenanmo aŋginandet.”

²⁸ Aintik ma aindopatna, “Aku nenmo gidik ŋgoin mambopek, Raraŋ Aetaniaca ma meikramtaira muruŋcamina morena tipemb ŋgorikta makukarapa Raraŋ Aetaniacmo peperena kamb ŋgorik ndoprenanmo, ma mo kecarinandet. ²⁹ Na ramootta Ŋeroŋ Ratmo peperena kam ŋgoreac ndop te, Raraŋ Aetaniaca mana tip ŋgoreacna makukca mba mo kecaritndai. Na an tip ŋgoreacna makukca manap iarwar ndeacraŋnandet.” ³⁰ Na an minina moca mina manmo gaindopatna, “Ma ŋeroŋ ŋgoreacap.”

*Mandaia ndo Iesusna aemmapa laipitik?
(Matiu 12.46-50 na Luk 8.19-21)*

³¹ Na an kidrikca Iesusna aemmapa laipitikca kipca malaruat. Ri, mina raekca witikca manmo kam neaŋga taŋca manmo min ndambur nakipna moca. ³² Na mana kitimma mbiraca korererina meikramtairta tumbun aniaca mina mammo gaindopatna, “Una aemmapa laipitikca raekmbai, na mina una moca digirina.” ³³ Ri, ma mina kammo rutica gaindopatna, “Mandaibinna ndori aukna amerapa laiplacar?” ³⁴ Karica ma an mana kitimma mbiraca korererina meikramtairmo watta korereri, ma gaindopatna, “Mandaibinna gan ndeacrenanna, mina aukna amerapa laiplacar! ³⁵ Na mandaibinna Raraŋ

Aetaniacna tonṭona ranḡairenan, anna mina aukna amerapa, mbiarpaikapa laiplacar.”

4

Iesusa ramootta witna lourmo wariṅa kerina kam roor makeat (Matiu 13.1-9 na Luk 8.4-8)

¹ Karica Iesusa meikramtairmo ririptina aiṅmo miar roumbca tikca mac moa ḡgeprina. Ri, meikramtair wit aniac ḡgoinna man ndambuṅ makipat. Ainda moca ma an miar roumbna kor ian nanḡabukca an mambiracat, ri, meikramtaira muruṅa an miar roumbmo mbatmbai maecri. ² Na ma minmo kamb rour ndeid puṅga keca, mimo mariptiat.

Na ma minmo kam roor ianmo gaind makeat, ³ “Ne warac, ramoot ianna ma wit lourmo wariṅna kena moca matanḡat.* ⁴ Na ma an wariṅmo, witna lourmo anḡirca keca matanḡri, na lour ndeida, mina an taṅ, kip tikrena taip ḡgirikca, ḡgorikca kipca maammbat. ⁵ Na witna lour ndeida, an tiacarpaikca watura mana kanḡauk ndeacrinan nambat mairikat, aintik ma tawina magat. ⁶ Ainda moca ra gacatke, ma an witna lour garenanmo moca mina marereri. Na mina iacndukara kacrir kocor, aintik mina maguruat. ⁷ Na witna lour ndeida, mina an lacarta katgarap kuria gaca, na an lacarta katgara gaca minmo wiṅga kitaca mina

4:1 Mk 3.7-9, na Lk 5.1-3 **4:2** Mt 13.34, na Mk 4.33-34 * **4:3** Iudananda mina witmo mba mutocrenan, mina wariṅ inikmo kerena.

mba kootatke. ⁸ Ri, ndeida tiacarpaik waekeke laŋ ŋgirikca, mina amna reaca makotat. Na ndeida 30na minna kootrina, ri, ndeida 60na minna kootrina, ri, ndeida 100na minna kootrina.” ⁹ Ainda moca ma minmo aindopatna, “U ramootta koarap, u gan kamma warac.”

*Witna kam roorna miniŋ
(Matiu 13.10-17 na Luk 8.9-10)*

¹⁰ Karica an meikramtair wit aniaca taŋgatke, mana iŋa raŋgairena ramtairpaikapa, manap eacrena ramtaira, mina mammo an kam roorna miniŋna madigiat. ¹¹ Ri, ma minmo gaindopatna, “Raraŋ Aetaniaca ma nemo mana iŋgoroca eacrena bubuocna kamma ma nenmo wandacrina. Na an raekmbai ndeacrena meikramtaira, mina an kammo muruŋcamiŋa kam roor mbuŋa waracnande. ¹² Aintik Raraŋ Aetaniacna timbigta kapna kamma aindoprina, ‘Mina memetmbaca watraŋnandet, na mina reac ianna mba watta garacitndai. Na mina kamma memetmbaca waracraŋnandet, na mina mana miniŋa mba garacitndai. Moca mina iroar inkar uriraca, Raraŋ Aetaniaca mina tipemb ŋgorikta makukarmo mo kecarinande.’ ”

*Wit lourta kamb rourta
kamna miniŋ*

(Matiu 13.18-23 na Luk 8.11-15)

¹³ Karica ma ndona iŋa raŋgairena ramtairmo gaindopatna, “Kaica ne an kam roorna miniŋa lamŋi ŋgocor? Na titoca mo te, ne an kabena

4:8 Mt 13.8, na Lk 8.8, na In 15.5, na Kol 1.6 **4:12** Ais 6.9-10, na In 12.40, na Up 28.26-27

kamb rourta minin nagaracit? ¹⁴ Na an ramootta wit loura kerinanna, anna ma warinna amna reac mutocrina kirar toc, na ma Raraŋ Aetaniacna kam mutocrina. ¹⁵ Na meikramtair ndeida, mina an wit loura taup ŋgirikrina kirar toc, mina Raraŋ Aetaniacna kamma waracri, na tawi ŋgoinna Ramoot Mbikca kipca an Raraŋ Aetaniacna kamma mina iro inikca eacrenanmo, ma mo kecarinande. ¹⁶ Na meikramtair ndeida mina an tiacarpaikca watura mana kaŋgauk ndeacrenan nambat ŋgirikatna witna lourta kirar, aintik ma tawina magat. Ainda moca mina Raraŋ Aetaniacna kamma waraca, mina iroar inkara tawina maanġiat, na mina toŋtoŋgar koindap. ¹⁷ Na mina kacrir kocor. Ainda moca an minna meikramtaira minmo Raraŋ Aetaniacna kammo ipuŋi mbop te, na minmo makukara neaŋ te, mina ritipaikca tawi ŋgoinna ŋgiriknande. An meikramtaira mina mba gagraca eacitndai. ¹⁸ Na meikramtair ndeida mina an witna loura lacarta ŋgairta kidrik ŋgirikca garinanna kirar toc. Na an meikramtaira mina kam mbaracrena. ¹⁹ Na mina gan tiacarpaikna reik lainġa moca landamŋi aniac ŋgoinna morenan, na mina kituknduk aŋġica wembacna iroar anikap, na mina reik lainġ aŋġina toŋtoŋgarapnan. An reikca mina iroar wiŋga kitaca mina Raraŋ Aetaniacna kammo mba aŋġitndai. ²⁰ Na meikramtair ndeida, mina an witna loura tiacar lainġa paik ŋgirikrina kirar toc. Na mina kamma waracri, mina aŋġica ndorita iroar inkara tikrina, na mina gagamma aŋġinande. Ndeida 30na min, na

ndeida 60na min, na ndeida 100na minna gagam anġinande.”

Tacna memetaca winna kanġaukca mba tikitndai

(Luk 8.16-18)

²¹ Karica ma ndona ija rangairena ramtairmo gaidopatna, “Tacna memetaca mina anġica bar, co winna kanġaukca tikit ki? Wanaij ngoin, mina an tacna memetacmo anġica waekekena taupca tikrena. ²² Aintik reikca muruġa iġgoroca eacrenan, iġmbaia mina raek ndarunande. Na reikca meikramtaira kitaca tamaia eacrenan, iġmbaia mitoco raek ndarunande. ²³ Ainda moca ramootta koarapnanna, ma gan kammo koar tikca warac.”

²⁴ Karica ma minmo gaid mac mbopatna, “An kamma ne waracrenanna, anna ne matau ngoin ndamġi. Na ne meikramtairmo neaġrina reikta nganġanġina minna, an nganġanġina minna kirara Raraġ Aetaniaca nenmo nda neaġnande. Te, ma nenmo emtemma an nambatta tiknandet.

²⁵ Na ramoot ianna reik ndeidapnan, Raraġ Aetaniaca mammo kabenan mac neaġnande. Aintik ramootta reik kocortan, Raraġ Aetaniaca an reik motimbba, manap eacrenanmo ma nda anġinande.”

Witna loura gacrena kam roor

²⁶ Karica Iesusa kam roor ianna gaid mac keatna, “Raraġ Aetaniacna bubuoca, ma an

ramootta witna lourmo ndona witna wariņ nake-
rina kirar toc. ²⁷ Aında moca mouņembba ma
ņgorena, na raia ma ņgepca ma ndona aiņira
morena, na an witna loura an wariņ inikca titoc
nagacrenanna ma mba lamņirena. ²⁸ Na an
witna loura garenanna, anna tiacarpaikca ndo
moca mina garena, taņca amna reac kootrena.
Out ņgoinna raprira laruca, taņi ma kootca
mina loura moca, iņmbaia mina uri taņca
amna minna tiknande. ²⁹ Na mina urica taņca
gagamna minna tik te, min aņgi waņgopna ra
laru te, an ramootta ma waca aņginandet.”

*Ik mastetna loorna kam roor
(Matiu 13.31-32 na Luk 13.18-19)*

³⁰ Karica Iesusa gaind mac mbopatna, “Raraņ
Aetaniacna bubuoca aia titocna reac toc ndo-
pit. Na aia manmo titocna kam roor mbuņ
nakecit? ³¹ Na Raraņ Aetaniacna bubuocna
wapatna kirara, ma ik mastetna loorna kirar toc,
na mana loorca tekernoc ņgoin, na mina manmo
tiacarpaik inikca mutocrena. Na ma kabena
ikirta lourmo ma tekernoc ņgoin. ³² Na mina
mamo mutoc te, ma gaca ik aniac ndarurena. Na
ma ņaik anik tikreke, ri, ņgorikca kipca ndorita
kaikca mana ņaikta pacpacarta kaņgaukca tikna
morena.”

*Iesusa kamb rour niņgik
mbuņa kerena
(Matiu 13.34-35)*

³³ Aında moca Iesusa Raraņ Aetaniacna
kammo meikramtairmo kamb rour wit puņ

nakerina, na ma gainda wiwitrinanna, ma mina landamñiarta min mbuñ nakerena. ³⁴ Na meikramtairmo ma minmo kamb rour ningik mbuñ keca riptirena, na ma minmo mana mininmo ma mba mbopca larurenanna. Ainda moca ma ndona iña rangairena ramtairap eac te, ma minmo an kamb rourta mininmo ma minmo muruñcamina mbopca larurena.

*Iesusa mbopatke, wat aniac a mamenacat
(Matiu 8.23-27 na Luk 8.22-25)*

³⁵ Karica an rana wigwacmbaina min mbuñ, Iesusa ma ndona iña rangairena ramtairmo gaindopatna, "Aia miarmo monmbai wañ nagacna." ³⁶ Ainda moca mina an meikramtairta tumbun aniac tikcarica, mina man mbiraca eacrena kor mbuñ nangabukca, mina manap angica matangat. Na kabena kour ndeid toco minap matangat. ³⁷ Na watapa murmur aniac ianna makipat, ri, macaitta mina kormo putria mbukri, mina kormo moa bururuna morina. ³⁸ Na Iesusa kormo inçait ndeacri, na ma memeracna reac nambatta meraca ngori, mina manmo ombonga ngepca gaindopatna, "Riripti, aia maica ngocraina mamoeke, na aia menacna mamoeke, na u aina kakadmaiap ki, wanain?" ³⁹ Aindopatke, ma ngepca watapa, murmur aniacapa macaitmo, kaega moca gaindopatna, "Ma min, ne mamairi, na ne irik merac." Ri, watapa murmura mairi, na macait toco nuknukir kocor. ⁴⁰ Karica ma ndona iña rangairena ramtairmo ainda digiatna, "Kaina moca ne nanambirena? Na ne mba ripacre ki, a?" ⁴¹ Ainda moca mina

rugdar moca, ndori punğa gaindopatna, “An ramootta, ma mandai ngoin, na watapa macaitta mana kammo waracepekna?”

5

Iesusa ramoot ianna ɲeroŋ ɲgoreaca moa kecariatna

(Matiu 8.28-34 na Luk 8.26-39)

¹ Karica Iesusapa mana iŋa rangairena ramtaira mina Galili miarmo kataca, waŋgembai magat, na anna ma Gerasananta pitrik waŋmbai ndeacrena. ² Ri, Iesusa kor tikcarica gaca witikatke, ɲeroŋ ɲgoreaca mbukca eacrina ramootta muk ndeacrinanna, ma tawi ngoin motemma man ndambuŋa ootta kiprina. ³ Na an ramootta ma warir mutocrena mukna roumb ndeacrena, na ramoot ianna manmo ɲgatik mbuŋa leacna towanaiŋ, co lawirta ɲgatik mbuŋa leacna minna wanaiŋ. ⁴ Ainda mori, memetmbaca ramtaira mana parniŋapa orniŋmo an lawirta ɲgatik mbuŋa leacri, na ma anmo ma moa katacrena, na ramoot ianna manmo muoc, iriki mbiracna minna wanaiŋ, ma gargar ngoin. ⁵ Ainda moca mouŋ, ra, an ramootta an mina ramtairta warir mutocrena mukna roumbapa takur tekerna roumbmo tamtamma ndada taŋrena. Na ma kamb anik keru, na anna watura mana tikmo katacrena.

⁶ Na ma wattatnanna Iesusa mon tawan ngoin nakipri, karica ma ootta tanga Iesusna outta

tanġa, mana outta tikca paġan ramtukca tu-
tupniġ marimbitat. ⁷ Karica an ramootta kam
aniac keca aind mambopat, “Iesus, u Tamuġ
Nġoin ndeacrena Raraġ Aetaniacna Nuoc, u
aukmo kaia mona moek? Na aku unmo Raraġ
Aetaniacna i mbuġa digina mamoeġ, u aukmo
girgir ianna kai neaġ teac!” ⁸ Na an ramootta
aindopatna miniġa gaind, Iesusa an nġeroġ
nġoreacmo mboprina, “U nġeroġ nġoreac, u
an ramootmo tikcarica laru!” ⁹ Karica Iesusa
manmo madigiat, “Una ia mandai?” Ri,
ma rutica gaindopatna, “Aukna ia Wit, aintik
nġerġaur nġorik wit aniaca aukap eacrena.”
¹⁰ Karica ma Iesusmo aemaġmaġap iġambutta
mambopat, ma minmo kai mandaca mina an
pitrikmo kai tikcarica taġ teac.

¹¹ Na markimta tumbun aniaca, an takur
roumbmo ambca taġri. ¹² Ri, an nġerġaur
nġorikca Iesusmo aemaġmaġap gaind
mambopat, “U aimo mandaca aia mon
markimbca mbukna, te, aia mina mbukna.”

¹³ Karica mina aindopatna mbatca, Iesusa
minmo ainda moa mandacatna, mbatca an
nġerġaur nġorikca, an ramootmo tikcarica
tanġa an markimbmo mbukatke, na an
markimta tumbunna nġaġganġġia 2,000na
min, na mina an takur tamuġ nġetacndiġa
aġġia ootta irikca an paġpikinna miara pukca,
puk ambca menaca mamaiat.

¹⁴ Ainda moatke, an markimta nġinaġa
morina ramtaira kipcamacariat. Na mina
tanġa an auġ aniacapa an pitrikna auġembta

meikramtair muruŋcamiŋmo an reacna kam ndopa, mina kipca an laruatna reaca watna moca. ¹⁵ Ri, an meikramtaira kipca Iesus ndambuŋ ndaruca watri, an ramootta, ŋerŋgaur ŋgorikca mbukca eacrinanna, ma ndona tik ŋgapaoc aoca iro laŋapa mbiraca eacri, na mina aında watca nanambiatna. ¹⁶ Aında moca an meikramtair mandaibinna an laruatna reaca wattatnanna, mina taŋga, kabena meikramtair ndeidmo, an ŋerŋgaur ŋgorikca mbukca eacrina ramootna kammo ninia mboprina. Na mina an markimta kam motoco ninia mbopatna. ¹⁷ Aında moatke, an pitrik waŋna meikramtaira ŋgepca Iesusmo an pitrik waŋ tikcarina moca aemaŋmaŋap mambopri.

¹⁸ Aında moca maica Iesusa kor naŋgabukna mori, ŋgaua an ŋerŋgaur ŋgorikca mbukca eacrina ramootta Iesusa moa laŋa moatna ramootta, ndomo Iesusap taŋna moca aemaŋmaŋap madi-giat. ¹⁹ Ri, Iesusa manmo mba wattacarica ma mba taŋgatke, ma an ramootmo aindopatna, “U ndona kaca nda taŋca ndona wiwitmo mbop warac, titocna reik muruŋa Kacootta unmo kakadmaina opotaca morinan.” ²⁰ Karica an ramootta ŋgepca taŋga, an pitrik Dekapolis-nanmo, ma minmo an kam wembaŋ laŋa Iesusa manmo moa laŋa moatna, ninia mbopca taŋri, na meikramtaira muruŋcamiŋa waraca tamtam malamjiat.

Iesusa menacatna moon ianna wat mac nda neaŋgatke, na meac ianna roubca moa laŋa

*moatna**(Matiu 9.18-26 na Luk 8.40-56)*

²¹ Karica Iesusa kor nangabukca, miarmo monmbai waŋ nagacat, na ma miarna rounb ndeacri, na meikramtairta tumbun ianna manmo mac kipca aumb mamoot. ²² Ri, an Iudananta mimitpac anġirena kacna ramoot paŋan ianna mana ia Iairus, ma kipca anna tikca Iesusmo watca ma Iesusna outmo ma tutupniŋ marimbitat. ²³ Karica ma iŋambut ŋgoinna aemaŋmaŋap mambopri, “Aukna moonja ma menacna mamoeck. Aintik u kipca ndona parmo man nambatta tik te, ma ndona wat mac nda anġica eacna.” ²⁴ Ri, Iesusa ŋgepca an ramootap mataŋgat.

Na meikramtairta tumbun aniaca mana iŋa ranġaica taŋri, ndorimo mana kitimma tikca aumba moca ratapaca moa mataŋri. ²⁵ Na an meikramtairta rikca meac ianna memetmbaca ma meikpitikta karwaina rounbap, na an rounbca manmo anġica eaca taŋa iarira parniŋapa mbut mbuniŋna min mbuŋ. ²⁶ Na an meac, ma an pitir gagamarmo kitukndukar anik puŋga ŋgoikri, na mina an meacmo moi laŋa mo ŋgocor, wanaiŋ ŋgoin, mina manmo ġiġirar neanrenan, na mana an rounbca mina manmo mba moa laŋa mori, wanaiŋ ŋgoin. ²⁷ Ri, an meaca Iesusa kiprina kam wembaŋa waraca, ma kipca an tumbun aniacna rik ndeaca, Iesusna iŋmbaia taŋca mana tik ŋgapaoc rocotmo pipikri, ²⁸ na ma gaimd ndamŋiatna, ma Iesusna tik ŋgapaoca pipik

te, mana roubca laŋ monande. ²⁹ Ri, ma aında moatna mbatca mana racainda anduna katacatke, ma ndona tik maraŋgiat, mana roubca laŋ mamoot. ³⁰ Aında moatke, Iesusa malamŋiat, mana gargara laruca matanŋat, na ma uriraca minmo, madigiat, “Mandaia ndo aukna tik ŋgapaocmo pipikapekna?” ³¹ Ri, mana iŋa raŋgairana ramtaira mamoo gaind mambopat, “U wat, meikramtair wit ŋgoinna unap tikca ndada rapacrenan, na u madigiek, mandaia ndo unmo pipikapekna?” ³² Na Iesusa kocnaia meikramtairmo watta korereri, mandai ŋgoinna ndo manmo pipikrina. ³³ Karica an meac mbitaca ma lamŋiatna, an reaca manmo laruapekna, na ma kipca Iesusna out ŋgirikca tutupniŋ rimbica nanambia nekca ma Iesusmo kamb gidkara muruŋ mambopat. ³⁴ Ri, ma an meac mbitacmo gaind mambopat, “Moonmbitac, u aukmo ripacri, aintik u laŋ mamoot. Na u taŋca una nikinik iro wetwet ndeac. Na una roubca laŋ mamori.”

³⁵ Na an minna Iesusa an meacap mbopreke, ramtair ndeida an Iairusna kac ndiŋ nakipca mina an ramoot paŋanmo gaind mambopat, “Una moonŋa mamenacri, aintik u ririptimo aiŋ wanaiŋa kai neaŋ teac.” ³⁶ Ri, Iesusa an ramtair mbopatna kamb mbaraca, ma an Iudananta mimitpac aŋgirena kacna ramoot paŋanmo aind mambopat, “U kai nanambi teac, u ripac niŋgik.” ³⁷ Aında moca ma meikramtairmo manap taŋnarica wandik tikca ma Pitaapa, Iemis-

5:30 Lk 5.17, na 6.19, na 8.46 **5:34** Mk 10.52, na Lk 7.50, na 17.19, na Up 14.9

apa mana lapmbitac Ionap, na min mbonkac niŋgikmo aca aŋgira mina manap matanġat. ³⁸ Aında moca mina tanġa an Iudananta mim-itpac aŋgirena kacna ramoot paŋanna kac ndaruca wattatnanna, meikramtair wiŋ aniaca punica gararar anikca mori, aea mboracarica. ³⁹ Ri, Iesusa an kaca mbukca minmo gain-dopatna, “Ne kaina moca gararar anikca moca aereana? An moonġa, ma mba menacreke, ma maŋgoreke.” ⁴⁰ Na mina manmo malaronġat. Aında moatke, Iesusa minmo mbopca mina kacmo tikcarica muruŋcamiŋa raekmbai ndaru-atke, ma an moonġnuocna amepaetniŋapa mana iŋa ranġairena ramtair mbonkacap aŋgica, mina an moonġna wair tikca eacrina diab mam-bukat. ⁴¹ Ri, mina mbukca Iesusa an moonġna par ŋgutiŋa, na gan kam tip mambopat, “*Talita, kouw.*” Na an kam tipna miniŋa gaind, “Meac teker u ŋgep!” ⁴² Ri, an moonġa anduna ŋgepca taŋ kip tikri, na mina anna watca ŋgep ŋgoreac naŋgepca tamtam malamŋiat. Na an moonġna iarira parniŋapa mbut mbuniŋna min. ⁴³ Karica Iesus minmo an laruapekna reacna kammo, kabena meikramtairmo mbop narica makiracat. Ri, ma minmo an moonġmo anna reac, emtem neanġa anna mbopatna.

6

Nasaretnanda Iesusmo

5:40 Mt 9.25, na Lk 8.54, na In 11.11 **5:41** Lk 7.14 **5:43**
 Mk 1.44, na 7.36, na Lk 8.55

*in maneangat**(Matiu 13.53-58 na Luk 4.16-30)*

¹ Karica Iesusa an auŋ tikcarica ma ndona auŋ minin mac nda tangatna. Na mana in rangairena ramtaira mana inmbai matangat.

² Na Wiktitikna Ra, ma tanga Iudana mimitpac angirena kaca mbukca meikramtairmo Raraŋ Aetaniacna kam riptiatke. Na meikramtair wit aniac an kam mbaraca, ngep ngoreac nangepca mina gaindopatna, “An ramootta ma an kammo tenna tikca angiratna? Na an landamni man ndambuŋ ndeacrenanna, anna titocna landamni? Na titoca moca ma ainta ngagatracarap morena?”

³ Aia lamjirena. An ramoot ma reikta muindira morena ramoot, na ma Mariana nuoc, na mana laipitikca Iemisapa, Iosepapa, Iudasapa Saimon, na mana mbiar toco gade aiap maeacreke.” Mina aindopca manmo iro ngoreac maangiat.

⁴ Ri, Iesusa minmo gaindopatna, “Ramma morena ramootta auŋembmo ma i aniacap eacrena. Na mana auŋ minin ngoinapa, mana racaindpaiknandapa, mana kacnim ngoinnanda, ma iremb kocor.”

⁵ Aintik ma an auŋmo ainta ngagatrac ianna gidikca mba mac moitndaiit. Ma roumbbehta meikramtair kaukimo par mbuŋa mina tikemb tingik ngutin te, minmo moi laŋa monande. ⁶ Ri, ma ndoa ripac ngocorta meikramtairta moca tamtam pac malamjiri.

Iesusna in rangairena ramtaira

6:2 In 7.15 **6:3** In 6.42 **6:4** Mt 13.57, na Lk 4.24, na In 4.44 **6:6** Mt 9.35, na Lk 13.22

manmo wat rapac ngocor

(6.6—8.21)

*Iesusa ndona ija rangairena ramtairmo aiņ
maneangat*

(Matiu 10.5-15 na Luk 9.1-6)

Ainda moca Iesusa an kidrikna auņembmo tanğa kambmo anna riptirina. ⁷ Ri, Iesusa ndona ija rangairena ramtair parniņapa mbut mbuniņmo aca kipca, ma minmo ņerņgaur ņgorikca mbukca eacrena meikramtairtanmo, moa kecarina gagrar neanğa, na minmo mbuniņ, mbuniņa mbagirica matanğat. ⁸ Na ma minmo gaidopatna, “Ne ndorita kombroormo ndipaca taņrena ndindipacarmo anği taņ. Na ne kabena tataņna reikap kai anğica ndoriap kai taņ teac. Na ne tapaca kai anği teac, na ne ndorita anğira taņrena rambca kai anği teac, na ne kitukndukap kai anğica taņ teac, kari ņgoin. ⁹ Na ne or ņgapaocniņ aocrenan, anna laņ, an niņgik aoc. Na ne tik ņgapaoc mbuniņa kai aoc teac.” ¹⁰ Ri, ma minmo gaid mac mbopatna, “Ne taņi auņ ian ndaruca kacnim ianna mbukca mbiracek, ne an niņgik ndeaca, taņi ne an auņ tikcarica taņ. ¹¹ Na auņemb ndeida mina nenmo mina kaiknimbca actik ņgocor ndacari te, na mina nena kamma warac ņgocor, te, ne an auņ tikcarica taņ. Na maica ne taņna nanņepepek, ne ndorita orniņna tiacar kacopca ne taņ, te, mina lamņinandet, mina

6:7 Lk 10.1 **6:8** Mt 10.9-10 **6:8** Lk 10.4-11 **6:11** Up 13.51

an tipna kirara laŋa mba moapeke.”* ¹² Karica mana iŋa ranġairena ramtaira nġepca tanġa meikramtairmo an kam wiwitia mambopat, “Ne ndorita iroar inkar nġetriki.” ¹³ Na mina nġerngaur nġorikcap eacrena meikramtair wit aniktanmo moa kecariatke, na roumbbebta meikramtair wit aniktanmo tabair ndikca minmo moa laiŋ mamoot.

Erotta Iesusmo anmo kitac puk neanġrena ramoot Ion ndopa

(Matiu 14.1-12 na Luk 3.19-20 na 9.7-9)

¹⁴ Na gagrirta ramoot paŋan Erot, ma an kamma waracatnanna an reikca aind ndaruri, Iesusna ia an inikca aniac malaruat. Ainda moca meikramtair ndeida aindopca, “An kitac puk neanġrena ramoot Ion, ma menacatnanna, ma mac nda nġepatna. Aintik ma an gargar anġica ma an nġagatracara morena.” ¹⁵ Na ndeida aind mambopat, “Anna Elaia.” Ri, ndeida aind mambopat, “Anna ramma morena ramoot, ma atuna rambca morina ramtairta ramoot ianna kirar toc.” ¹⁶ Na Erotta an kamma waraca, ma aindopatna, “Aku an ramoot Ion, mana logotta aku atuna wawiratna, na mandeaca ma mac nda manġepri.”

¹⁷⁻¹⁸ Na nġaua Erot ma ndona lapmbitac Pilipna meac Erodiasmo tapica lanġorina. Ri,

* **6:11** Iudanangepta tipna kirara gaind, an orninġa tiacar kacoprenanna, anna mina an auġmo mba mac nda tanġitndait. Na aina our tukica tanġrena tip toco anna kirar. **6:13** Ie 5.14

6:14 Mt 16.14, na Mk 8.28, na Lk 9.19 **6:17-18** TN 18.16, na 20.21, na Mt 14.4, na Lk 3.19-20

Ionna Erotmo gaindopatna, “U ndona lapm-bitacna meac tapica lanngoapekna tipna kirara, anna laja wanaij.” Ainda moatke, Erotta an kam mbaraca ngepca ramtairmo mbopca mina Ionmo utinja manmo lawirta ngatik mbuja leaca maica anjica tanga kac ngoreac matikat. ¹⁹⁻²⁰ Aintik Erot, ma Ion narica rugut morena. Na ma lamjirena, Ionna ma Rarañ Aetani-acna lamniac ngoutta, ma ramoot wandonj rat ndeacrena ramoot. Ainda moca Erotta ma Ionna nginañ mbatrena. Na Ionna kam ian ndop te, ma mana kamma waraca ma tamtam ngoin ndamjirañnande, iro inik mananna makuk ngoin ndamjirañnande. Na ma Ionna kamma waracna tonjonj ngoinna morena. Na Erodias ma nikkatta ngocraica ndomo Ionna mo menacna ndamjirinanna, na ma minna wanaij.

²¹ Inmbaia Erodias ma taup ianna gaida watrina. Erot mana aemma mana miratna rana ndamjica ma amtiam aniac ianna monande. Na an amtiam aniaca ma moeknanna, anna ma ndoap aiñ kabea morena ramtair pañaindapa, lapoca ruñrena ramtair pañaindapa, Galili inikna ramtair pañaindap amnande. ²² Karica mina ambca eacri Erodiasna moonja kipca mbukca mina outta kemma weri. Na Erotap mbiraca ambrina ramtaira an moonja kemma werenanna watca mina tongocarica. Ainda moca gagrirta ramoot pañanna an moonj ngammo madigiat, “Aku umo kai lañ ngoin neañ te, u tonjoit? U aukmo pac mbop te, aku umo neañnande.” ²³ Ri, Erot, ma kam gar-

gara manmo gainda babuca mambopat, “Gidik ngoin tamuŋ, u kaia toŋgoca digi te, aku umo neaŋnande. Na u aukmo gan tiacarpaik titac ndomo waŋgembai neaŋna ndop te, aku ainda monande.”

²⁴ Ri, an moonja mac nda laruca tanja ndona aemmo gaind madigiat, “Aku mammo kai aŋgina kam ndopit?” Na mana aemma aindopatna, “U tanja manmo gaindop, u kitac puk neaŋrena ramoot Ionna paŋan wawirca aukmo mana paŋan neaŋ.” ²⁵ Karica an moonj ŋgamma tawina mac nda tanja gagrirta ramoot paŋan ndambuŋ ndaruca manmo gaindopatna, “Aku toŋgorinanna, u mandebanna u kitac puk neaŋrena ramoot Ionna paŋan wawirca tuoŋ ianna tikca aukmo neaŋ.” ²⁶ Ri, gagrirta ramoot paŋanna an kamma waraca mana iro inikca tamtam malamŋiat. Na ma ndona babua mbopatna kamna malamŋiat, na ma ndoap mbiraca ambrena ramtaira watri, ma mina lamnikmo numbir aniac aŋgi narica. Ainda moca ma an moonja kam mawaracat. ²⁷ Ri, gagrirta ramoot paŋanna, ndona lapoca ruŋrena ramoot ian mbagirica manmo tawi tanja Ionna paŋan aŋgi kipna ndopca an lapoca ruŋrena ramootta tanja kac ŋgoreaca mbukca Ionna logotmo mawawirat. ²⁸ Karica ma Ionna paŋanmo tuoŋ ianna tikca aŋgira kipca an moonj ŋgamma neaŋca, ma aŋgica tanja ndona aem maneŋgat.

²⁹ Ri, Erotta Ionmo ainda mo menacatna kamma waraca Ionna iŋa raŋgairena ramtaira

kipca mana wair anɟica tanɟa mamutocat.

Iesusa 5,000na minna ramtair tinɟikmo amna reac neanɟa ambatna

(Matiu 14.13-21 na Luk 9.10-17 na Ion 6.1-13)

³⁰ Na Iesusna up anɟirena ramtaira mina mac nda kipca man ndambuɟa mina manap puniri. Na mina ndori, morina ainɟirta kambca niniatke, na mina meikramtairmo riptiatna kambca anmo muruɟ maniniat. ³¹ Ri, meikramtair wit aniaca an motemma taɟ kip tikri, na Iesusapa mana up anɟirena ramtairap mina amta reik amna minna wanaiɟ. Ainda moca ma ndona up anɟirena ramtairmo aindopatna, “Ne nɟepca aia ndori tinɟik ramtair kocorta taup ianna tanɟa ne wik emtem pac anɟina.” ³² Karica mina kor ian nanɟabukca ramtair kocorta taup ianna, mina ndori tinɟik matanɟat.

³³ Na an meikramtair wit aniaca mina watri mina tanɟri, na mina minmo watta garacri. Ainda moca an auɟembta meikramtaira mina muruɟcamɟa Iesusapa mana up anɟirena ramtair tanɟa eacna taupca, mina atuna ootta tanɟa laruca maeacri. ³⁴ Aintik Iesusa tanɟa kor tundoca ma gaca wattatnanna meikramtair wit aniaca muruɟa anna punica eacri. Na ma mina watca kakadmai aniac nɟoin. Mina sipsiparta kitarar toc, mina nɟinaɟa mona ramoot ian nɟocor. Ainda moca ma minmo kamb wit nɟoin riptiatna. ³⁵ Inɟmbaia ra maica irik mbukna nɟirikri.

6:30 Lk 10.9-10, na 10.17 **6:31** Mk 3.20 **6:34** Ndu 27.17, na 1 GRP 22.17, na 2 Nin 18.16, na Esi 34.5, na Mt 9.36 **6:35** Mt 14.15, na Mk 8.1-9, na Lk 9.12

Iesusna iņa rangairena ramtaira kipca manmo gaidn mambopat, “Ganna ramtair kocorta taup, na ra maica irik mbukna mamoeck. ³⁶ Karica u an meikramtairmo mbagirica mina auņembmo tamtamma taņca, ndori amna reik ndeidta ore taņca oikna.” ³⁷ Na Iesusna ndona iņa rangairena ramtairpaikna kam nda rutica gaidnopatna, “Ne ndori minmo amta reik neaņ.” Ri, mina manmo aindopca, “U tonņo te, aia karwai par kabeapa mbut mbuniņa aia moca aņģirena minna kitukndukar puņa tapacar tipemb ņgoikca mina neaņa?” ³⁸ Ri, ma minmo madigiat, “Ne tapacar tipemb titpaikap eacrena? Na ne taņca wat.” Mina taņa wattacarica mac nda kipca Iesusmo gaidn mambopat, “Aia tapacar tipemb parmbaiapa ņgoaem mbuniņ ningikap.”

³⁹ Ri, Iesusna minmo gaidnopatna, “Meikramtaira muruņcamiņa taņa gan katģin laņmo tumnambca moi mbirac.” ⁴⁰ Karica mina taņa ndeida 100na min naaņģira punica mbiracatke, ndeida 50na min naaņģira punica mbiraca maiatke. ⁴¹ Na Iesusna tapacar tipemb parmbaiapa ņgoaem mbuniņ aņģica ma tamuņa auņa raia watca Raraņ Aetaniacmo kam laņ neaņa. Karica ma tapacar tipemb witkica ndona iņa rangairena ramtaira neaņa, mina aņģica an meikramtairmo biņairi, na ma ņgoaemniņ aņģica witkia maica an meikramtairmo muruņcamiņmo biņaia maica. ⁴² Mina muruņcamiņa, ambca min ņgoin matikat. ⁴³ Ri, tapacar tipembapa ņgoaeb

6:37 Ndu 11.13, na 11.22, na 2 GRP 4.43, na Mt 14.16, na Lk 9.13, na In 6.7 **6:41** Mk 7.34

tipembca eacri, mina anmo anggia tumbunna tikca, larkambca parniŋapa mbut mbuniŋna minpaik maaocat. ⁴⁴ Na an tapacapa ngoaem ambatna ramtair niŋgikna nganŋanŋgia 5,000na min. Na meikmombonikca mba nduatke.

Iesusa Galili miarna puk nambatta witikca tanŋatna

(Matiu 14.22-33 na Ion 6.16-21)

⁴⁵ Karica Iesusa ndona iŋa ranŋairena ramtairmo aindopatna, “Ne tawina kor anggica monmbaina auŋ Betsaidamo, ne out nagac.” Na ma ndo pac eaca, meikramtairmo mandaca taŋna tonŋonap. ⁴⁶ Na ma meikramtair mandaca mina taŋri, ma takur ian magat, ma anna tikca mbendeina moca. ⁴⁷ Ri, maica wigwac ngoin motemma kora miarmo rik ndeacri, Iesusa irikca maŋara ndo kabe ndeacri. ⁴⁸ Na ma watri, watta ngepca kor paŋan ndiŋ nakipca kormo nda tapacri, mina autna aiŋa moca taŋri. Maica auŋ raruri, Iesusa puk nambat ndiŋa witikca min ndambuŋ nakipri. Na ma maica minmo kunna moatke, ⁴⁹ ri, mana iŋa ranŋairena ramtaira watca, ma puk nambat ndiŋ nakipri, mina watca anmo raraj ian ndopca. Na mina larikca ngocrairi. ⁵⁰ Na mina muruŋa mana watca rugdar mocaricatke. Ri, Iesusa minmo tawina gairindopatna, “Ne ndorimo moi gagraca eac. Ne kai nanambi teac. Ganna auk.” ⁵¹ Karica ma min ndambuŋna kor nanŋabukca, minap eecatke,

6:46 Mk 1.35, na Lk 5.16, na 6.12, na 9.28 **6:49** Mt 14.26, na Lk 24.37, na In 6.19 **6:51** Mk 4.39

watta mamaiat. Ri, mina ngep ngoreac ngoin mangepat. ⁵² Aintik Iesusa tapac rimbitca meikramtaira binjaiatna minna, mana ainda moatna reikta mininga, mina njanari lamnji ngocor, mina iroara mboborac maeacreke.

Genesaretnanta roumbbebta meikramtairmo moa lain mamoaat
(*Matu 14.34-36*)

⁵³ Karica Iesusapa mana inja rangairena ramtaira miar kataca ga Genesaret auj ndaruca, mina ombca tundoca kormo mikndacrina. ⁵⁴ Na mina kor tikcarica gacatke, meikramtaira mina watca, Iesusmo watta magaracat. ⁵⁵ Ri, meikramtaira an inikna aujembmo tamtamma ootta tanca anna meikramtairmo mbopca waracri. Na mina waraca maeacri, Iesusa taup ian ndeacekna kam mbarac te, mina ngepca roumbbebta meikramtairmo barera tikca minmo Iesus ndambuñ naangica tanjande. ⁵⁶ Na Iesusa an aujembapa aujemb tekirapa an pitrikna aujembmo muruñ tanja larurinanna, na mina ainda morena roumbbebta meikramtairmo an punirena taupembca tikrena. Na mina Iesusmo roumbbebta meikramtairmo watcarica mina mana tik ngapaoc waj ngutin te, mina muruñ lañ mona moca aemanmajap digica mbopri, na roumbbebta meikramtaira muruñ ainda morinanna, mina lain mamori.

7

*Raraŋ Aetaniacna Tıp Wandıkca nicar
ngamrirta kammo tamuŋ ngoin ndeacrena
(Matiu 15.1-9)*

¹ Na Parisiara kipca tıpemb wandik tamjirena ramtaır ndeidap tumbunna tikca, mina Ierusalem tikcarica ngepca kipca, mina Iesusa watna moca matanġat. ² Ri, mina wattatnanna mana iŋa ranġairena ramtaıra ndorita paira tukica rat ngocora ambri. ³ Na Parisiarapa Iudananda muruŋa mina ndorita nicauna tıpna kirara ranġaica, mina pair njanari tuki ngocor te, mina mba amitndai. ⁴ Na mina mbik tikca oikrena taupca taŋca nda kipca, mina ru ngocor te, mina mba amitndai. Na mina ranġairena tıpembca kirara wiŋ ngoin, mina ndorita nicar puŋga tikca anġiratna tıpemb kirarir ndeid toco gaind, mina kabarapa, winne tuonġourapa barer, motoco mina tukirena. ⁵ Karica Parisiarapa tıpemb wandik tamjirena ramtaıra Iesusmo gainda digiatna, “Tida moca una iŋa ranġairena ramtaıra nicauna tıp kirara ranġai ngocor? Na mina ndorita paira tukica rat ngocora ambapekna.” ⁶ Ri, Iesusa mina kam rutica gaindopatna, “Ramma morina ramoot Aisaia ma nen ngoin ndopatna, ne paparuna ramtaır. Na ma tirra mbopatna kamma gaind, ‘An meikramtaır mina ndorimo aukna i anġira ngeprenanna, upa ndo mboprena, mina iroar inkara aukmo mon tawan ngoin maeacreke.

⁷ Na mina ramtairta morena tipemb kirarirta kambca riptireke, aindoprena, “Ganna Raraŋ Aetaniacna kam.” Aintik mina aukmo wanaiŋ ŋgoinna tutupniŋ rimbicna mbendeirena.’ ⁸ Na ne Raraŋ Aetaniacna neaŋgatna Tip Wandikca kecariapeke, na ne ramtairta tipemb kirarir tiŋgikmo mataua utiŋga gagraca maecreke.”

⁹ Ri, Iesusa minmo gaind mac mbopatna, “Ne Raraŋ Aetaniaca neaŋgatna Tip Wandikca nda ipuŋrena, na ne ndorita tipemb kirarira raŋgana landamŋina ramtair lain koind. ¹⁰ Na Moses ma aindopatna, ‘U ndona amepaetniŋna kaŋgauk ndeac te, maniŋna kam niŋgikca raŋgai.’ Na, ‘Ramoota ndona amepaetniŋmo kam ŋgoreac ndop te, ma menacnande.’ ¹¹ Na ne gaindoprena, ‘Ramoot ianna ma kitukndukarapa ainta reikapnan te, na ma ndona aem co, aetmo otacnande, iŋmbaia ma maniŋmo aindopnande, “Gan kitukndukca aku Raraŋ Aetaniaca neaŋna baburina.”’ ¹² Na ne aindoprena, ‘An ramoota ma an mbuŋa amepaet ŋgotacna reikca kai mo teac.’ ¹³ Aintik ne ndorita nicarta tipemb kirarir aŋgica anna raŋgaireke, na ne Raraŋ Aetaniacna kamma nda ipuŋrena. Na anmo reac wanaiŋa morenan. Na ne an reikta tipemb kirarirmo ainda morena.”

*Iesusa meikramtairmo moi Raraŋ Aetaniacna
lamniacmo patinpaikca morena reacna
kam ndopatna
(Matiu 15.10-20)*

14 Karica Iesusa meikramtairmo mac aca punica, ma minmo gaindopatna, “Ne muruŋ ŋgoinna aukna kammo matau waraca lamŋi rapac. 15-16 Na reaca ramoot ianmo raek ndiŋa mbuk te, ma an ramootmo moi ma patiŋga mba moiŋndai. Wanaiŋ. Reaca an ramootna nikinik ŋgetacndiŋ ndaru te, ande anna ndo an ramootmo moca ma patiŋga monandet.”*

17 Karica Iesusa an meikramtair tikcarica kaca taŋgatke. Na mana iŋa raŋgairena ramtaira manmo an kam roorna miniŋna madigiat. 18 Na ma minmo gaind mac mbopat, “Ne toco iroar kocor, a? Na ne mba lamŋire ki, reik wit aniaca, ramootmo raekmbaia up ndiŋa mana nikinicka mbuk te, anna ramootmo patiŋga mba moiŋndaiit. 19 Aku aindopapeknanna anna gaind tocna reicka ramootna iro inikmo gidik ŋgoinna mba irikri. Wanaiŋ. Anna ma lota taupca taŋrena, iŋmbai ma loaepi kecarinande.” An kamma Iesusa mbopapeknanna ma gaindopapekna, aintocna amta reicka Raraŋ Aetaniacna lamniacmo mina rat niŋgik. 20 Ri, Iesusa gaind mac mbopatna, “Reaca ramootna iro inik ndeacrenanna an ndiŋa laru te, anna ndo ramootmo moi patiŋga monandet. 21-22 Na aku mbopapekna kamma, anna reicka ramootna nikinik iro ŋgetacndiŋ ndarurenan, na an reicka gaind, iroar ŋgorik aŋgirena tiŋna kirar, na meacramootna kaŋtertaapna tiŋ ki-

7:15-16 Up 10.14-15 * 7:15-16 Na landamŋina ramtair ndeida gaind ndamŋirena, kabena kam tiŋ toca gan timbigta kapna inik ndeacrena. Na an kamma gaind, “U ramootta koarap, u gan kam mbarac.” 7:20 Mt 15.18, na Mk 7.23

rara morenan, na makimrena tipna kirar, na ramoota ringa menacrena tipna kirar. Na laŋtaŋgoara laŋtaŋgona tipemb ngadudukca morena meikramtairta tipemb kirarira morenan, na kabena meikramtairta reikca matɲina tip kirar, na reac ngoreac ngoreaca morena tip kirar, na parureke, na ndondo ngoin ndopca tamtamma morena tip kirar, na iro ngoreac angica kabena meikramtairmo peperena kam ngoreac ndoprena tip kirar, na garurureke, ŋaŋaŋaona tip kirara morena. ²³ Ainta tipemb kirarir, anna muruŋcamiŋa ngorik, na anna ramootna iro inik ndeacrenanna, an ŋgetacndiŋ ndarurenanna, anna Raraŋ Aetaniacna lamniac ngoutta, ramootmo mo, rat ngocor.”

Ponisiana Pitrik waŋa meaca Iesusmo ritipac aniac ngoinap

(Matiu 15.21-28)

²⁴ Karica Iesusa an auŋ tikcarica, ma ŋgepca Tair auŋ aniacna waŋmbai matanŋat. Na ma anna kac ianna inikca mbukri, na ma mba toŋgori, ramoot ianmo lamŋi narica ma anna eacrenan. Na ma iŋgoroca eacna minna wanaiŋ. ²⁵ Na meac ianna manmo an ndeacrena kamma waracrinan. Na an meaca ma moonŋ ianap, na ŋeroŋ ngoreac ianna manap eacri. Ainda moca an meaca tawina kipca Iesusna or kitimma tutupniŋ rimbitca mairikat. ²⁶ An meaca mana aemma manmo Ponisiana pitrik waŋa tikca mirrinan, na Ponisia ma Siriana pitrik waŋnan. Na an meaca ma Girikna kam mbuŋ ndoprena, na ma Iesusmo ndona

moonna ɲeron ɲgoreaca moi kecarina moca aemaɲmaɲap madigiat. ²⁷ Na Iesusa manmo gaindopatna, “Outta aia mombonikmo amna reac pac neaɲam. Na anna laɲa wanaiɲ, aia mombonikta amta reik aɲgica piriɲta ke taɲ nari.”

²⁸ Na an meaca mana kam rutica gaindopatna, “Kacoot, piriɲga barna kaɲgauk maeacreke, mitoco mombonikta amta reik tipemb ambrena.”

²⁹ Ri, Iesusa manmo aindopatna, “U gaindopa-peke, laɲ u mac nda taɲ. ɲeron ɲgoreaca una moonmo tikcamacariri.” ³⁰ Na an meaca ndona kac mac nda taɲga, moonnuocmo wattatnanna, ɲeron ɲgoreac mammo tikcamacariri ma laɲa moca bara meraca maeacri.

Iesusa koar ɲgoreacniɲapa kam ndop ɲgocorta ramoot ianna moa laɲa moatna

³¹ Karica Iesusa Tairna pitrik waɲmbai tikcarica, annan mac ɲgepca taɲga auɲ aniac Saidonna pitrik waɲmbai ndaruatna. Ri, ma mac taɲga mandaca taɲga irikca Galili miar ndaruca, ma Dekapolisna pitrik mambukat. ³² Na mina koarniɲ rikdaca, mimma makukuca, kamma ɲaɲari mbop ɲgocorta ramoot ianna aɲgira kipca, Iesusmo aemaɲmaɲap digiatna, manmo para an ramootna tik nambatta tikna moca. ³³ Ri, Iesusa an meikramtairmo tikcarica, ma an ramootmo aɲgira taɲga, maniɲa ndoniɲ niɲgik ndeacri. Na Iesusa an ramootna koarniɲmo ndona patɲit loorniɲ rapaca mbukacarica.

Inmbaia ma ndona patnjitmo taber tikca an ramootna mim matikat. ³⁴ Na Iesus ma tamuŋna auŋa raia watta gaca, ma ndona tikca ranŋairinanna, ma aenan toca moca wik malacat. Ri, ma an ramootmo gaindopatna, “*Epata.*” An kamna miniŋa gaind, “U goot.” ³⁵ Ri, an ramootna koarniŋa tawi ŋgoinna gootca keatke, reac ianna mana mimma maŋtikica eacrinanna goarakeca ma kam ndopna min. ³⁶ Na Iesusa meikramtairmo an laruapekke, mina watapekna reacna kamma kabena ramoot ian ndop narica wandik gargar matikat. Na wanaiŋ, mina an kammo anduna mbopca mataŋri. ³⁷ Na an meikramtaira kam anna waraca, mina ŋgep ŋgoreac nanŋepca aindopatna, “Reac, reaca ma morenanna, ma laŋ ŋgoin mamoreke. Ma koara rikdaca maica eacrenanmo, moa laŋa moca mina matau mawaracreke, na kamma ŋaŋari mbop ŋgocortanna, kamma matau mambopreke.”

8

*Iesusa 4,000na minna ramtair tiŋgikmo amna reac neanŋa ambatna
(Matu 15.32-39)*

¹ Karica an min mbuŋa meikramtair wit aniaa mac kipca punica, mina amna amta reik kocor. Ri, Iesusa ndona iŋa ranŋairena ramtairmo aca kipca, ma minmo gaindopatna, ² “Aku an

7:34 Mk 6.41, na In 11.33, na 11.38, na 11.41, na 17.1 **7:35**
Ais 35.5-6, na Mt 11.5 **7:36** Mk 1.43-45 **7:37** Ais 35.5 **8:2**
Mt 15.32-39, na Mk 6.34-44

meikramtairta kadmaiacarica. Mina aukapmo rai mbonkac ndeacapeke, mina amna amta reik kocor. ³ Na aku minmo nikemb wapataiara aintanna ndorita kaikca mbagirica tan te, mina pañanda korereca taupembca winaci iriknande. Na mina ndeida taupemb tawan ngetacnan kiprina.” ⁴ Ri, mana iña rangairena ramtaira mana kam rutica gaindopatna, “Gan motemma ramtair kocorta taup. Na aia tenna tapacar angica amna reaca moca minmo neanga mina ammit?” ⁵ Karica Iesusa minmo gainda digiatna, “Ne tapacar tipemb titpaikap eacrena?” Ri, mina aindopatna, “Parmbaiapa mbut mbuniñ ningik.”

⁶ Karica Iesusa meikramtairmo mbopca mina pitrik wikin mambiracat. Na ma an tapacar parmbaiapa mbut mbuniñ angica, ma Raran Aetaniacmo mbendeica kam lan ndopacarica, ma an tapacar tipembmo otea maica, ndona iña rangairena ramtairmo biña mona neanga. Mina meikramtairmo mabiñaiat. ⁷ Na mina ngoaeb tekir ndeid toca eacrina. Ri, Iesusa an ngoaeb tekir motoco ma Raran Aetaniacmo mbendeica kam lan ndopacarica ma ndona iña rangairena ramtairpaikmo, an mac biñaina maneanjat. ⁸ Na maica mina ambca minna tikatke, am tipa eacari, mina angia punica larkambca parmbaiapa mbut mbuniñ maaocat. ⁹ Na an ramtair tingikta nganganngia 4,000na min.

Karica Iesusa minmo mbagirica mina matanjat. ¹⁰ Na ma tawina kor nanjabukca ndona iña rangairena ramtair angica, mina mon Dalmanutana pitrik wan matanjat.

*Mina Iesusmo ngagatraca
mona madigiat
(Matiu 16.1-4)*

¹¹ Na Parisinanda kipca mina manap ipunga mbopca. Na mina manmo mbopca ma ngagatrac ianna mo te, anna ndo minmo wandac te, mina lamninande, anna gidik ma Raran Aetaniacna aija morena ramoot. Anna mina mana towai ndopca mbopatna. ¹² Ri, Iesusa ndona tikca rangaiatnanna mana tikca makuku-atke, ma rutica aindopatna, “Tida moca gan minna meikramtaira ngagatrac ngoin laru te, an ngoinna watna morena? Na aku nemo gidik ngoinna gaindopnande, mina ianna mba ngagatrac ianna mba mac watitndai.” ¹³ Karica ma minmo tikcarica kor mac ngabukca, miarmo monmbai waj magacat.

*Iesusa Parisiarta isapa Erotna isna kammo
kam roor
mbun nakecatna
(Matiu 16.5-12)*

¹⁴ Ri, mana ija rangairena ramtairpaikca iroar ndarekrekeca tapacar tip ndeidap mba angira kipatke, mina tapac tip kabe ningikap angia kipca mina kor inikca tikcamacariat. ¹⁵ Na Iesusa minmo kam gargar mbun gaindopatna, “Ne ndorimo Parisiarta isapa Erotna isna kam roor nake matau wat.” ¹⁶ Ri, mana ija rangairena ramtairpaikca ndori punja aindopca, “Narikca ma an kam ndopapeknanna,

8:11 Mt 12.38, na Lk 11.16, na In 6.30 **8:12** Mt 12.39, na Lk 11.29 **8:15** Lk 12.1

anna gidik, aia tapacar kocor.” ¹⁷ Na mina aindopatna kaina kambca Iesusa lamñirina, na ma minmo gaindopatna, “Kaina moca ne tamtam ndamñica kambca aindoprena, ‘Aia tapacar kocor?’ Ne mba lamñire ki? Na ne landamñiar kocor ki? Nena iroar inkara mboracapek ki, a? ¹⁸ Na ne lamnikap, na ne kaica an reikca wat ñgocor, a? Na ne kourap, na ne kaica an kambca warac ñgocor, a? Na nena iroara ndarekrekapeki, a? ¹⁹ Na aku tapacar tipemb parmbai rimbitca, 5,000na minna ramtaira neaŋga mina ambca, tikcariatna am tipa, ne larkambca titpaikca aocatna?” Ri, mina rutica aindopatna, “Larkambca parniŋapa mbut mbuniŋna min.” ²⁰ Na Iesusa gaind mac mbopatna, “Aku tapacar tipemb parniŋapa mbut mbuniŋna kataca, an 4,000na minna ramtair tingikca neaŋga mina ambca tikcariatna am tipa, ne larkambca titpaik ñgaocatna?” Ri, mina rutica aindopatna, “Larkambca parmba- iapa mbut mbuniŋ.” ²¹ Na ma minmo aindopatna, “Ne mba watta rapacreke.”

Iesusa ndona iŋa ranğairena ramtairmo riptiatna

(8.22—10.52)

*Iesusa Betsaida auŋna lamñiac ñgoreacna
ramoot ianna moa laŋa moatna*

²² Karica Iesusapa mana iŋa ranğairena ramtair, mina mac tanğa Betsaida auŋ malaruat. Ri, an auŋnan, mina lamñiac ñgoreacna ramoot

8:17 Mk 6.52

8:18 Ier 5.21, na Esi 12.2, na Mk 4.12, na Up

28.26

ianmo Iesus ndambun naangica makipat. Na mina Iesusmo aemanmanap digica mambopat, u mana par ngutin. ²³ Karica Iesusa an lamniac ngoreacna ramootna par ngutinga, manap angica larua auņmo raekmbaia taņri. Na ma mana lamniacniņmo taber iuca, ma ndona para mana lamniacniņa tikca, ma manmo madigiat, “U reac ianna watre ki, wanaiņ?” ²⁴ Aında moca an ramootta ndona lamniacniņmo watukca watca, gaind mambopat, “Aku ramtair ndeidmo mawatreke. Na aku ņaņari wat ngocor, na aku ramtairmo watreke, ikir taņ kipre toc.” ²⁵ Ri, Iesusa ndona para mana lamniacniņ mac tikatke. Na an ramootta mataua watukca watca, mana lamniacniņa laņ mamoaat, ri, ma reikmo mataua watta marapacat. ²⁶ Ri, Iesusa manmo mana kaca mbagiriatke, manmo mambopat, “U taņca auņmo raekca kai laru teac.”

*Pita ma Iesusna kam ndopa laruatna, ma titocna ramoot
(Matiu 16.13-20 na Luk 9.18-21)*

²⁷ Karica Iesusa ma ndona iņa raņgairena ramtairap ņgepca, mina Sisariapilipai auņ aniacna inikna auņembca rambuņ ndeacrenanna taņri. Na ma ndona iņa raņgairena ramtairmo gainda digirina, “Meikramtaira mina aukmo mandai ņgacit?” ²⁸ Na mina manmo gaindopatna, “Meikramtair ndeida mina gaindoprena, u kitac puk neaņrena ramoot Ion. Na

ndeida gaindoprena, u Elaia. Na ndeida gaindoprena, u ramma morena ramoot ian.”²⁹ Ri, Iesusa minmo gaind mac madigiat, “Na ne ndori, ne aukmo mandai ngacit?” Na Pita mana kam rutica gaindopatna, “U gade gan ramoot, Raraŋ Aetaniaca babuca larapaca mbagirica kipca ai mac nda aŋgina ramoot.”³⁰ Ainda moca Iesusa minmo kabena meikramtairmo ndo ndop laru narica minmo wandik matikat.

Iesus ma aindopatna, ma menaca ma mac nda ngepnande

(Matiu 16.21-28 na Luk 9.22-27)

³¹ Karica Iesusa ndona iŋa raŋgairena ramtairmo ripti neaŋga gaind mambopat, “Ramootna Nuoc ma giŋgir bagaraniac aŋginande, te, ramtair paŋaindapa, taup ndamtair paŋaindapa, tipemb wandik tamjirena ramtairap, mina manmo iŋ neaŋ te, manmo riŋ menacnande. Te, ma rai mbonkac ndeaca mac nda ngepnande.”³² Na ma an kambmo, minmo mataua wiwitia mbopca mawaracri. Na Pita Iesusmo roumbmbai naaŋgia taŋga manmo kaeg mamoot.³³ Ri, Iesusa nda uriraca ndona iŋa raŋgairena ramtaira watta taŋga, ma Pitamo kaega moca gaind mambopat, “Ramoot Mbik, u aukmo iŋa tik. U Raraŋ Aetaniacna iroa mba raŋgaireke. Wanaiŋ ngoin. U ganna meikramtairta iroar tiŋgik maraŋgaireke.”

8:29 Mt 16.16, na Mk 9.9, na In 6.68-69, na 11.27

8:31 Mt

17.22

³⁴ Karica Iesusa meikramtairapa ndona iŋa rangairena ramtairap, minmo ndo ndambun ŋgaca punica. Na ma minmo gaindopatna, “Na ramootta aukmo rangaina ndop te, ma ndona landamŋina iroar tikcarica, ma ndona keracna ik aŋgica mbukca aukna iŋa rangai. ³⁵ Aintik mandaia ma ndona eteacna watna ndamŋica utiŋ te, ma ndona an eteacna watmo kecarinan-det. Na mandai aukna ndamŋireke, na aukna kam wembaŋ laŋna lamŋina morena ramoot, ma ndona wat kecari te, mana an eteacna watta, ma mba maiitndai. ³⁶ Ŋarikca ramoot ianna ma gan tiacarpaikna reikmo muruŋcamiŋa aŋgir mai te, mana eteacna wat mai te, an reikca manmo titoc ŋgotacit? ³⁷ Na ramootta ndona eteacna watmo ma titocna opoik mbuŋa oikca ma an eteacna wat mac nda aŋgirit? ³⁸ Na gan minna meikramtair, mina Raraŋ Aetaniacmo iŋ neaŋgacarica ainta tipemb ŋgorikta makukara muruŋa morenan. Na mina ianna aukmo numbira mo te, na aukna kam mbarac narica morenan, iŋmbaia Ramootna Nuoca ma ndona Aetna memetacna tac aniacapa Raraŋ Aetaniacna mbaiŋna aiŋa morena ŋerŋgaur ratap kip te, ma an ramootmo numbira monande.”

9

¹ Karica Iesusa minmo gaindopatna, “Aku nenmo gidik ŋgoinna gaindopnande, ramtair ndeida ganna witikca eacrenanna, mina menac

8:34 Mt 10.38-39, na Lk 14.27 **8:35** Lk 17.33, na In 12.25

8:38 Mt 10.33, na Lk 9.26, na Ro 1.16, na 2 Ti 1.8 **9:1** Mt 16.28, na 24.30, na 24.34, na Mk 13.30, na Lk 9.27, na 22.18

ngocor ndeac te, mina Raraŋ Aetaniacna bubuo-
capa, mana gargar aniacap larueknanmo mina
watnande.”

*Iesusna tikna wapatta kirar
dam ngoin mangetrikiat
(Matiu 17.1-13 na Luk 9.28-36)*

² Karica rai parmbaiapa mbut kabea maiatke, Iesusa Pitaapa, Iemisapa, Ionap, min angica mina takur ianna tamuŋ ngoin ndeacrinan magat. Na mina ndori tiŋgikca an ndeacri, wattrinan mbuŋa Iesusna tikna wapatta kirar dam ngoinna ngetrikica mina watatna. ³ Na mana tik ngapaocna reikca kocnaia metaca gogok ngoin. Na gan tiacarpaikna ramoot ianna an tik ngapaocna kirar toca mba moitndai. ⁴ Na Mosesapa Elaia mbaniŋa laruca Iesusap mbo-pri, na mana iŋa ranŋairena ramtaira watatna. ⁵ Ri, Pita anna watca ma Iesusmo aindoprina, “Riripti, anna laŋ aia gan ndeacrenanna. Aia nena ndamb mbonkaca monande, ianna unan, na ianna Mosesnan, na ianna Elaianan.” ⁶ Na Pita aindopatnanna, anna gaind, mina rugdar moca nanambirina, aintik Pita ma mba lamŋiri, ma titocna kamb ndopit. ⁷ Ainda moca wawirir ndepikca kipca minmo wiŋga makitacat. Na an wawirpaikna inikca kam ianna gaindopri-nan, “Anna aukna Nuoc ngoin, na aku manmo matjirenan. Ne mana kamma waracraŋ.” ⁸ Na tawi ngoinna mana iŋa ranŋairena ramtaira

9:2 2 Pi 1.17-18 **9:3** Dan 7.9 **9:7** TW 18.15, na Mt 3.17, na Mk 1.11, na Lk 3.22, na Up 3.22

tamtamma watrinanna, mina ramoot ianmo mba watatke. Iesusa ndo kabea minap eacrena.

⁹ Karica mina an takur tamuŋ tikcarica mina mac nda mairikat. Na Iesusa minmo gaindoprina, “An reaca ne watrinanna, ne ramoot ianmo kai mbop teac, taŋca Ramootna Nuoca muk tikcarica ma mac nda ŋgepekna min.” ¹⁰ Na mina an kambmo utiŋga eacri, mina ndorita rikmo gaindopatna, “An muk tikcarica mac nda ŋgepna kamma anna kaina reac?”

¹¹ Na mina Iesusmo gaimda digiatna, “Kaina moca ririptina tipemb wandik tamŋirena ramtaira gaindoprena, Elaia ma outna kipnandet?” ¹² Amda moca Iesusa mina kambmo gaimda rutiatna, “An kamma anna gidik. Elaia, ma out nakipca reikmo muruŋcamuŋ mac moi wandoŋainandet. Na an kambca Raraŋ Aetaniacna timbigta kap ndeacrenanna tida moit? Na ma aindoprina, Ramootna Nuoca ma gigirar wit anŋinandet, na meikramtaira manmo peperena kamb ndopnandet?” ¹³ Na aku nenmo gaindopnandet, ŋgaur Elaia makipatna. Na meikramtaira ndorita tonŋonŋara ranŋairina, na mina manmo ainta tipemb kirarira morinan. Na anna Raraŋ Aetaniacna timbigta kap ndeacrena kamna kirar toc.”

*Iesusa nuocna moonuoc teker ianna ŋeron
ŋgoreaca moa kecariatna*

(Matu 17.14-21 na Luk 9.37-43)

9:9 Mt 12.16, na Mk 8.30 **9:11** Mal 4.5, na Mt 11.14 **9:12** Ŋap 22.1-18, na Ais 53.3, na Dan 9.26, na Mal 4.5, na Lk 23.11, na Pil 2.7 **9:13** Mt 11.14, na 17.12, na Lk 1.17

14 Ri, Iesusapa mana ija rangairena ramtair mbonkaca takur ndiņa nda irikca tanğa mana ija rangairena ramtair tambun ndaruca, mina watrinanna meikramtairta tumbun aniaca minmo paria anğica eacrina. Na tipemb wandik tamjirena ramtair ndeida minap ipunğa mboprenan mbuņa. 15 Na an meikramtaira muruņa watrinanna, Iesusa kiprinanna watca mina ngep ngoreacna ngepatna. Ri, mina tawi ngoinna man ndambuņ ngoota matanğat. Na mina manmo gaindopatna, “Ra laņ ngoin, u makipca.” 16 Na Iesusa mana ija rangairena ramtairmo gainda digirina, “Ne kaina reacna moca minap ipunğena?” 17 Aında moca an meikramtairta rikna ramoot ianna Iesusna kammo gainda nda rutiatna, “Riripti, ęeronj ngoreac ianna kipca aukna nuocap eacrenan, na ma mana upmo leaca ma kamb ndopna minna wanaij. Aintik aku manmo un ndambuņ naanğica kipapekna. 18 Na memetmbaca an ęeronj ngoreaca manmo mbukca, manmo mo ęaņaoca manmo pitrikca mo irikrena. Na toptikca mana up ndiņ ndarurenan, na ma ndona ndairmo iriki ikca wirenan, na mana tikca kocnaia panpanjicarirena. Na aku una ija rangairena ramtairmo an ęeronj ngoreaca mo kecarina digirinan, na mina mona minna wanaij.”

19 Na Iesusa an kambca waraca ma meikramtairmo gaindopatna, “Ne ritipaiik kocorta meikramtair, aku nenapmo kidrik titpaikca nenap eacit? Na aku nena makukara mbukit? Na aukmo an nuocmo anği kip.”

²⁰ Ri, mina an nuocmo man ndambuŋ naaŋgira taŋri. Na an ŋeronŋ ŋgoreaca Iesusa watca, ma tawi ŋgoinna an nuocmo moa ŋaŋaoca manmo laŋa mba moa nekatke. Na ma anna tamtamma upuria taŋri, na toptikca mana up ndiŋ ndarurina.

²¹ Ainda moca Iesusa an nuocna aetmo gaimda digiatna, “Kidrikar titpaikca ma aind ndeacrinan?” Ri, aetta aindoprinan, “Manmo moonnuoc tekera tikca kiprina. ²² Na memetmbaca an ŋeronŋ ŋgoreaca manmo mo menacna moca, manmo tac nake mbukrena, na manmo puk nake pukrena. Na u min ecte, u aina kadmaica manmo otac.” ²³ Karica Iesusa manmo gaimdopatna, “Kaina moca u aukmo gaimoprina, ‘U min ecte’? Na u mandai u ripac te, u reikmo muruŋa mona min.” ²⁴ Na tawi ŋgoinna an nuocna aetta kam keca gaimdopatna, “Aku ripacrena, na aukna ritipaca gargara wanaiŋ, u aukna ritipacmo mo gagra. Na u aukmo otac!” ²⁵ Ri, Iesusa watrinanna meikramtair wit aniaa min ndambuŋa ootta kipca rambuŋairinan. Ainda moca ma an ŋeronŋ ŋgoreacmo kaega moca aindopatna, “U ŋeronŋ ŋgoreac up mikrenanapa koar rikdacrenan, u an nuocmo tikcari.” Na u an moonnuocmo kai mac nda mbuk teac. ²⁶ Ainda mocatke, an ŋeronŋ ŋgoreaca kam aniac keca, ma an nuocmo kocnaia moa nekca ŋgocraicarica, ma an nuocmo tikcarica matanŋat. Na an nuoca ma wair toc ndeacrina. Ri, meikramtair witta

9:23 Mt 17.20, na 21.21, na Mk 11.23, na Lk 17.6, na In 11.40

9:24 Lk 17.5 **9:26** Mk 1.26

anna watca aindoprina, “Ma mamenacri.” ²⁷ Na Iesusa mana parmo utiŋga, manmo anŋi ŋgepri, na ma ŋgepca witikrina.

²⁸ Karica iŋmbaia Iesusa kaca tanga eacri, mana iŋa raŋgairena ramtairap mina ndori tiŋgikca eacri, mina manmo gaimda digirina, “Titoca moa aia an ŋeroŋ ŋgoreaca mo kecarina minna wanaiŋ?” ²⁹ Na ma minmo gaimdoprina, “Mbembendeina tipna kirar niŋgik mbuŋa an ŋeroŋ ŋgoreaca mo kecarina min. Na kabena taupemb kocor.”

*Iesusa ndona memenacna
kam an mac mbopatna*

(Matiu 17.22-23 na Luk 9.43-45)

³⁰ Karica Iesusapa mana iŋa raŋgairena ramtaira an taup tikcarica mina Galilina pitrik waŋna rikca taŋrina. Na Iesusa ma tonŋgorinanna, ma an ndeacrenanna, ramoot ianna kai lamŋi teac, ma an ndeacrenan. ³¹ Na anna miniŋa gaimd, ma ndona iŋa raŋgairena ramtairmo ririptica neaŋrina. Na ma minmo gaimdoprina, “Mina Ramootna Nuocmo ramtairta para tiknandet, na mina manmo mo menacnandet. Na mina manmo mo menaca, ma eaca rai mbonkacna min mbuŋa ma mac nda ŋgepnandet.” ³² Na mina an kambta miniŋa mba lamŋia garacri. Ainda moca mina manmo digina rugdar mori.

*Mandaia ndo outta tikit
(Matiu 18.1-5 na Luk 9.46-48)*

³³ Na Iesusapa mana iŋa raŋgairena ramtaira tanŋa Kapaneam auŋa larurinan. Na mina kacna inicka mbukca eacri, ma minmo gainda digiatna, “Aia taupna kipreke, ne kaina reacna kamna ipuŋga mbopca kiprena?” ³⁴ Na mina manmo kam ianna mbop ŋgocor. Na anna miniŋa gaind, mina taup ndiŋa kiprinanna mina ndorimo ipuŋrinan, mandaia ndo mina ramoot paŋan ndeacit. ³⁵ Ri, Iesusa mbira-catke, ma ndona iŋa raŋgairena parniŋapa mbut mbuniŋna minna ramtairmo aca kipca, ma minmo gaindoprina, “Ramootta outta tikna mo te, ma iŋmbai ŋgoin ndeacnande. Na ma meikramtair muruŋcamiŋna aiŋa mona ramoot ndarunande.” ³⁶ Na ma aindopacarica ma moonuoc teker ianmo aŋgica mina rikca witiŋrina. Ri, ma an moonuocmo potaca minmo gaindoprina, ³⁷ “Ramootta aukna iro landamŋiap eacrenan, na ma gaind točna kirarna moonuocmo otac te, ma aukmo otacrina. Na ramootta auk ŋgotacapeknan, ma auk niŋgikmo mba otacri. Wanaiŋ. Ma an Aetta aukmo mbaŋirica aku kiprinan motocmo ma otacrina.”

Ramootta aimo puŋdamootta mo ŋgocor ma aina aikndamoot
(Luk 9.49-50)

³⁸ Karica Ionna Iesusmo gaindoprina, “Riripti, aia watrinanna, ramoot ianna una i mbuŋa ŋerŋgaur ŋgorikca moa kecarireke. Na ma

9:34 Lk 22.24 **9:35** Mt 20.26-27, na 23.11, na Mk 10.43-44, na Lk 22.26 **9:37** Mt 10.40, na Lk 10.16, na In 13.20 **9:38** Ndu 11.27-29, na Lk 9.49

aina wiwitnanna wanaiŋ, aintik aia manmo mbopca, ma an aiŋa kai mo teac.” ³⁹ Na Iesusa minmo gaindopatna, “Ne manmo kai kirac teac. Na anna gaind, ramoot ianna aukna i mbuŋa ŋgagatraca ianna mo te, ma aukmo kam ŋgoreaca mba tawi mbopitndai.” ⁴⁰ Na ramootta aimo puŋdamootta mo ŋgocor, ma aina aikndamoot. ⁴¹ Na aku nenmo gidik ŋgoinna gaindopnande, an kammo ne matau warac. Na anna gaind, ramoot ianna nenmo gaind ndamŋi te, ne Karaisna aiŋna ramtaiŋ, na anna moca ma nenmo puk neaŋam te, Raraŋ Aetaniaca manmo reac laŋ ian ŋgoiŋ neaŋnande.

Tip ŋgoreacna makukca ma ritipaca moa ŋgocairena

(Matiu 18.6-9 na Luk 17.1-2)

⁴² Karica Iesusa gaind mac mbopatna, “Ramoot ianna ganna mombonik tekira aukca ripacrenanna, mina ianmo moca, ma tip ŋgoreacna makukca irik te, mina an ramootmo waut aniac ian aŋgica mana logotmo anap leaca manmo aŋgica macait inik nake pukca, ma menac te, anna laŋ. ⁴³⁻⁴⁴ Na una para unmo tip ŋgoreacna makukca mona wiŋ te, u kataca kecari. Anna laŋ u par kabe niŋgikap, te, u memetmbaca eteacna wat aŋginande. Na moca u par mbuniŋapa mina unmo menac ŋgocorta

9:39 1 Ko 12.3 **9:40** Mt 12.30, na Lk 11.23 **9:41** Mt 10.42
9:43-44 Mt 5.30

iarwara wirrena tac nake irik nari.* 45-46 Na una ora unmo tip ngoreacna makukca wiŋ te, u anmo kataca kecari. Anna laŋ u kabe niŋgikap, te, u memetmbac ndeacrena wat aŋgɪnande. Na moca u or mbuniŋap, mina unmo menac ngocorta iarwara wirrena tac nake irik nari.† 47 Na una lamniaca unmo tip ngoreacna makukca wiŋ te, u ian tarki kecari. Anna laŋ u lamniac kabe niŋgikap, te, u Raraŋ Aetaniacna bubuoca mbuknande. Na moca u lamniac mbuniŋap mina umo menac ngocorta iarwara wirrena tac nake irik nari. 48 An taupca, ‘Nduipitikca mina warirmo amraŋnande, na mina mba maiitndait. Na an taça mina warirmo loriraŋnande, na ma mba maiitndait.’

49 “Na mina mindaŋmo gimbarara muruŋa tikrenan, te, an gimbarara Raraŋ Aetaniacna lamniac ngoutta mina ratta mona. Na an tipna kirar mbuŋa taça meikramtairmo muruŋa larunandet.

50 “Na mindaŋa ma reac laŋ. Na mindaŋa tarara mai te, ne titoca moa, mana tarara mac

* **9:43-44** Na landamŋina ramtair ndeida gaind ndamŋirena, kabena kam tip toca gan timbigta kapna inikca eacrenan. Na an kamma gaind. An taupca nduipitikca mina warirmo amraŋnande, mina mba maiitndait. Na an taça mina warirmo loriraŋnande, na ma mba maiitndait. Na wes 48na inik toco wat. † **9:45-46** Na landamŋina ramtair ndeida gaind ndamŋirena, kabena kam tip toca gan timbigta kapna inikca eacrenan. Na an kamma gaind. An taupca nduipitikca mina warirmo amraŋnande, mina mba maiitndait. Na an taça mina warirmo loriraŋnande, na ma mba maiitndait. Na wes 48na inik toco wat. **9:47** Mt 5.29 **9:48** Ais 66.24 **9:49** Esi 43.24 **9:50** Mt 5.13, na Lk 14.34-35, na Ro 12.18, na Epe 4.29, na Kol 4.6, na Ib 12.14

nda kipit? Na mindaŋa ma amna ŋgoabapa reikmo moa laŋa moca eacrenan, na an tipna kirar mbuŋa ne mindaŋ laŋna kirar toc ndaruca, eteac laŋmo laiplacarap eacnande.”

10

Iesusa laŋtango kakatacna tipna kirarna kam ndoprina

(Matu 19.1-12 na Luk 16.18)

¹ Karica Iesusa ŋgepca an taup tikcarica, ma Iudiana pitrik waŋmo, oc Iodanna waŋgambaia taŋrina. Na meikramtair wit aniaca man ndambuŋa mac kipca punirina. Na ma ndona tipna kirara raŋgaica meikramtairmo mimitpac neaŋrina.

² Ainda moca Parisina ramtaira man ndambuŋa kipca, manmo towaina moca. Na mina manmo gaimda digirina, “Aina tip wandikca aimo aindoprina, ramootta ndona meac laŋtangomo, laŋtango katacna laŋ ki, co, laŋa wanaiŋ?”

³ Ri, Iesusa mina kambmo gaimda rutirina, “Na Mosesa nenmo titocna Tip Wandikmo nenmo neaŋrina?”

⁴ Na mina gaimdoprina, “Mosesa aindoprina, ‘Ramootta laŋtango kakatacna timbiŋ rapara tirca meacmo neaŋga, manmo mandaca taŋ te, anna laŋ.’”

⁵ Na Iesusa minmo gaimdoprina, “Ne garururena ramtair, aintik Mosesa nenmo an Tip Wandikca tirca nenmo neaŋrina. ⁶ Na ne warac, ‘Atu ŋgoinna Raraŋ Aetaniaca reikmo muruŋcamiŋa morina, na ma meikramtair

motocmo muruŋcamina morina. Na ma minmo meacapa ramootta morina. ⁷ Ainda moca ramootta ndona aemaetmo tikcarica taŋca ndona meacap mik te, ⁸ na manina tik kabe niŋgik ndarunande.' Na Raraŋ Aetaniaca aindoprinan tik, manina ndamnaŋa mba mac eacitndai. Wanaiŋ. Manina tik kabe niŋgik ndarurina. ⁹ Aintik reaca Raraŋ Aetaniaca moa mikrinanna, anna ramootta titacna towanaiŋ."

¹⁰ Ainda moca inmbaia Iesusapa mana ina raŋgairena ramtaira kac mac taŋgatke, mina manmo an laŋtaŋgo kakatacna kambta moca manmo mac digiatna. ¹¹ Na ma minmo gaindopatna, "Ramoot ianna ndona meac laŋtaŋgomo tikcarica, ma kabena meac laŋgo te, an ramootta ma tip ŋgadudukca morina. ¹² Na meac ianna ndona kaŋgait tikcarica kabena ramoot laŋgo te, an meaca ma tip ŋgadudukca morina."

*Iesusa aindoprina mina mombonik tekermo
watcarica mina man ndambuŋ nakip
(Matiu 19.13-15 na Luk 18.15-17)*

¹³ Karica meikramtaira ndorita mombonikmo Iesus ndambuŋ naaŋgia kiprina. Na mina tongorinanna, ma mina tikembmo utiŋga mben-deia taŋna. Ri, mana ina raŋgairena ramtaira anna watca mina an meikramtairmo kaega mori, ¹⁴ Iesusa anna watca ma minmo kaeg mamoot. Na ma ndona ina raŋgairena ramtairmo gaindoprina, "Ne an mombonikmo watcarica mina

10:7 1 Ko 6.16, na Epe 5.31 **10:7** RL 2.24 **10:11** Mt 5.32,
na 1 Ko 7.10-11 **10:14** 1 Ko 14.20, na 1 Pi 2.2

auk ndambuŋ nakip. Ne minmo kai kirac teac. Wanaiŋ. Raraŋ Aetaniacna bubuoca ma ainta ramootnan, ma an mombonik tekirta kirar toc ndeacrena. ¹⁵ Na aku nemo gidik ŋgoinna gaidopnande, ramoot ianna Raraŋ Aetaniacna bubuocmo an mombonik tekir aŋgirena tipna kirara aŋgi ŋgocor te, ma anna mbukna toawanaiŋ. Na wanaiŋ ŋgoin.” ¹⁶ Na an mombonikmo ma potaca, ma ndona parmo min nambatta tikca, ma Raraŋ Aetaniacmo minmo, mo laŋa mona madigiat.

*Laimnembta ramootta Iesusap mboprina
(Matu 19.16-30 na Luk 18.18-30)*

¹⁷ Karica Iesusa an tikcarica ŋgepca taŋre mbuŋa, ramoot ianna ootta kipca mana kitimmo tutupniŋ rimbitca, manmo gaidopatna, “Riripti laŋ, aku tida mo te, aku iarwar ndeteacna wat laŋ aŋgirit?” ¹⁸ Ri, Iesusa manmo gaidopatna, “Kaina moca u aukmo laŋ ŋgacrina? Raraŋ Aetaniac niŋgikca ndo ma laŋ. ¹⁹ Na u Tipemb Wandikta kambca u lamŋirena, ‘Ne kabena meikramtairmo kai mo menac teac. Na ne laŋtaŋgoar, ne tipemb ŋgadudukca morena meikramtairta tipemb kirarira kai mo teac. Na ne kai makim teac. Na ne kabena meacramootmo ritri waparacmo kai moca, papparuna kam mbuŋa kai mbop teac. Na ne kabena ramootna reacmo kai paruca kam kocora kai aŋgi teac. Na ne ndorita ameraterta kaŋgauk niŋgik ndeacraŋ, na mina kambmo waracraŋ.’ ” ²⁰ Ri, an ramootta Iesusmo

10:15 Mt 18.3 **10:19** NA 20.12-16, na TW 5.16-20, na 24.14, na Ie 5.4

gaidopatna, “Riripti, aku moonnuoc tekera tikca kipca mandeacna min, aku an Tipemb Wandikmo muruŋa ranġairena.” ²¹ Na Iesusa manmo watikca, ma manmo matŋia, manmo gaidopatna, “U reac kabena matpirena. U taŋca ndona laimnembta reikmo mbik tikca mandaica oik te, u an kitukndukmo aŋgica meikramtair ndaekpembmo neaŋ. Na u ainda mo te, u tamuŋna auŋmo u reik laiŋ koindap eacnande. Na u kipca aukmo ranġai.” ²² Na an ramootta an kamma waracatke, mana iro inikca makuk ŋgoin, na mana inpaŋanna ŋgocraica ma mataŋgat. Na anna miniŋa gaid, ma lamin aniacap tik.

²³ Na Iesusa ndona iŋa ranġairena ramtairmo watca, ma minmo gaidopatna, “Laimnembta meikramtaira, mina Raraŋ Aetaniacna bubuoca mbumbukca, minmo owai ŋgoin.”

²⁴ Ainda moca mana iŋa ranġairena ramtaira mana an kam mbaraca mina ŋgep ŋgoreac naŋgeprina. Na ma minmo gaid mac mbopatna, “Aukna mombonik, ramootta Raraŋ Aetaniacna bubuocna kaŋgaukca mbubukca, aiŋ aniac ŋgoin!” ²⁵ Na kamela reik iukrena lacna urupa mbubukca anna wetwet ŋgoin, na an kirara laimnembta ramootta Raraŋ Aetaniacna bubuocna kaŋgaukca mbukna aiŋ ŋgoin.”

²⁶ Ainda moca mana iŋa ranġairena ramtaira ŋgep ŋgoreac ŋgoin naŋgepca, mina ndorita rikmo gaidopatna, “Ainda mo te, mandaia ndo

10:21 Mt 6.19-20, na 10.38, na Mk 8.34, na Lk 12.33 **10:23** Mt 19.23, na Mk 4.19, na Lk 18.24, na 1 Ti 6.17

iarwarna eteacna wat anġirit?” ²⁷ Ri, Iesusa minmo wat gargara watca ma gaindopatna, “Meikramtaira ndori punġa towanaj, na Raraġ Aetaniac man niġġikca, ma ndo reikmo muruġa mona min.”

²⁸ Aında moca Pita, ma Iesusmo kam ianna gaindopatna, “U warac, aia ndorita reik tikcarica una iġ maraġġaireke.” ²⁹ Na Iesusa aindopatna, “Aku nemo gidik nġoinna gaindopnandet, meikramtaira muruġa aukapa kam wemban laġ ndamġina moca ndorita kaik, co laiplacar, co mbiar, co aemer, co aeter, co mombonik, co warinġemb tikcari te, ³⁰ mina 100na minna reik anġinandet. Na an minna mina gan tiacarpaikca eacraġ te, Raraġ Aetaniaca minmo reik witta nearnandet. Na anmo mina nġaua anap eacrenanmo kunnandet. Na mina kaik witapa, laiplacar witapa, mbiar witapa, aemer witapa, mombonik witapa, warinġembca witap anġinandet. Na meikramtair ndeida minmo tipemb kirarir nġorik ndeid toco an minna monandet. Na minmo iġmbai ndaruna reaca, mina iarwarna eteacna wat laġ anġinandet. ³¹ Na meikramtair witta mandeaca out ndeacrenan, mina iġmbai nġoin ndeacnandet. Na meikramtair witta mandeaca iġ nġoin ndeacrenan, mina out ndeacnandet.”

*Iesusa ndona memenacna
kam mac mbopatna*

(Matiu 20.17-19 na Luk 18.31-34)

³² Karica Iesusapa mana iġa ranġairena

10:27 Ier 32.17, na Lk 1.37

10:30 2 Nin 25.9, na Lk 18.30

10:31 Mt 20.16, na Lk 13.30

10:32 Mk 8.31, na 9.31

ramtaira Ierusalemma taɲna moca taup ndiɲa taɲri. Na ma minmo outta taɲrina. Ri, mana iɲa ranɲairena ramtaira tamtam ŋgoiɲ ndamɲirina. Na meikramtaira mina iɲa ranɲairenanna, mina nanambirina. Aintik ma ndona iɲa ranɲairena parɲiɲapa mbut mbuniɲna ramtairpaikmo mac aɲɲica, ma ndo ndaruna reikta kamb ndoprina. ³³ Na ma aindoprina, “Ne warac. Mandeaca aia Ierusalem matanɲek, na mina Ramootna Nuocmo mina taup ndamtair paɲaindapa tiɲemb wandik tamɲirena ramtaira neanɲandet. Na mina manmo ritri waparaca monandet, na mina manmo mo menacna kamb leacnandet. Te, mina manmo Iudana meikramtair wanaiɲnanta wiwitna para tiknandet. ³⁴ Na an ramtaira manmo peperenandet, na manmo taber iunanandet, na manmo pi ŋgoreac ŋgoinna pinandet, na manmo mo menacnandet. Na rai mbonkacna min mbuɲa, ma mac nda ŋgepnandet.”

*Iemisapa Ionna digdigi
(Matiu 20.20-28)*

³⁵ Karica Sebedina nuocniɲa Iemisapa Ion, maniɲa Iesus ndambuɲ nakipca manmo gaindopatna, “Riripti, aɲga unmo reac ianna digina mamoeɲ, na aɲga tonɲgorinanna u aɲmo an reac mo.” ³⁶ Aina moca ma maniɲmo gainda digirina, “Onɲo tonɲgorinanna aku onɲmo kaina reac moit?” ³⁷ Na maniɲa manmo gaindopatna, “An minna u i aniac aɲɲica gagriɲta ramoot paɲan aniaca mo te, aɲga tonɲgorinanna aɲna

ianna una par umbaia mbirac te, ianna una par aenmbaia mbiracna.”

³⁸ Ri, Iesusa manijmo gaind mambopat, “Onjo aukmo an reacna digirinanna, onjo anmo mba garaca lamnjireke. Na onjo an gigirar auk ndambuñnan anjina min ki? Na an kitac pukca aku anjinanna onjo anjina min ki?” ³⁹ Na manija manmo aindopatna, “Anja min.”

Ri, Iesusa manijmo aindoprina, “Anna gidik, onjo auk anjiekna girgira onjo anjina min. Na an kitac pukca mandeaca aku anjina morenanna, onj toco anna anjinandet.* ⁴⁰ Na mandaia aukna par umbai, co, mandaia aukna par aenmbaia mbiracnanna, anna aukna reaca wanaij. An mbibiracna reikca anna aukna Aetta larapacrina meikramtairtan.”

⁴¹ Na mana inja ranjairena ramtair parniña an reikta kambca Ionapa Iemis mbanija mbopri- nan, mbaracatke, mina manijmo kaega morina.

⁴² Ri, Iesusa minmo ndo ndambuña ngaca kipca, minmo aindoprina, “Ne lamnjirena, Iudana raekmbaina meikramtairta ramtair pajainda eacrenan, mina ndorita wiwitnanmo ndorita kanjaukca eacna gagraca bubuocrena. Na mina ramtair pajainda, ndorita meikramtairmo ndorita kambmo ranjaina moca gagrarena.

⁴³ Na an tipna kirara nena rikca kai eac teac. Kari ngoin. Na ramootta nenmo ramoot panjan

10:38 Mk 14.36, na Lk 12.50 **10:39** Up 12.2, na KIEK 1.9

* **10:39** Kabena miniña gaind, anna Iesusa ndona memenacna girgir aniacna kam ndoprena. **10:42** Lk 22.25-26 **10:43** Lk 9.48 **10:43** Mt 23.11, na Mk 9.35, na Lk 22.26

ndeacna mo te, ma nenmo, nena aiŋna ramoot ndeac. ⁴⁴ Na ramootta nenmo out ndeac ndop te, ma nenmo muruŋna mbaiŋna ramootna kirar toc ndeac. ⁴⁵ Na anna gaind, Ramootna Nuoc toco ma kiprinanna, meikramtaira man ŋgotaca mana aiŋa mo nake mba kiprina, wanaiŋ. Ma min ŋgotacna kiprina, te, ma ndona eteacna wat mbuŋa meikramtair witmo nda oiknandet.”

Iesusa lamniac ŋgoreacna ramoot ianmo moa laŋa moatna

(Matiu 20.29-34 na Luk 18.35-43)

⁴⁶ Karica Iesusapa mana iŋa ranŋairena ramtaira taŋga Ieriko auŋ ndaruca. Na manapa mana iŋa ranŋairena ramtairapa meikramtairta mimiatta Ieriko auŋmo tikcarica taŋre mbuŋa, Timeusna nuoc Bartimeus, ma taup roubca mbiraca eacrina. Na ma lamniac ŋgoreac, na ma meikramtairmo kitukndukna rurena. ⁴⁷ Na ma waracrinanna, Nasaretna Iesusa kipri, na ma gaind ŋgaca mboprina, “Iesus u Dewitna ŋgamair, u aukna kadmaica aukmo otac.” ⁴⁸ Ri, meikramtair witta manmo kaega moca manmo gaindoprina, “U watiti.” Na ma kamb anik puŋga gaind ŋgaca mboprina, “Dewitna ŋgamair, u aukna kadmaica aukmo otac.” ⁴⁹ Ainda moca Iesusa witikca aindopatna, “Manmo ac kip.” Ri, mina an lamniac ŋgoreacna ramootmo aca mambopat, “U tongoca ŋgep, ma una maacreke.” ⁵⁰ Ainda moca ma ndona tik ŋgapaoc rocot rianŋa kecarica, ma tawi ŋgoin nanŋepca witikca ma

10:45 In 13.14, na Pil 2.7, na 1 Ti 2.5-6 **10:47** Mt 9.27, na 15.22

Iesusa ndambuŋa taŋrina. ⁵¹ Na Iesusa manmo gaimda digirina, “U toŋgorinanna aku unmo tida moit?” Na an lamniac ŋgoreacna ramootta manmo gaimdopatna, “Riripti, aku watna.” ⁵² Na Iesusa manmo gaimdoprina, “U taŋ, una ritipaca ndo unmo moa laŋa morina.” Na tawi ŋgoinna mana lamniaca laŋ mamori, na ma watatna. Na ma Iesusa raŋgaica taup ndiŋ matanŋat.

Iesusa girgir aŋgica menaca mac nda ŋgepnande

11

(11—16)

*Iesusa Ierusalem auŋ aniacmo gagrirta
ramoot paŋanna*

kirar toc mambukat

(Matiu 21.1-11 na Luk 19.28-40 na Ion 12.12-19)

¹ Karica Iesusapa mana iŋa raŋgairina ramtaira Ierusalem auŋ aniacmo kipca ram-buŋaiatke, na mina taŋga Olip Takurna rounb ndeacrina auŋniŋ Betpageapa Betani malaruat. Na ma ndona iŋa raŋgairina ramootniŋmo outta mbagirica, ² ma maniŋmo gaimdopatna, “Oŋgo monmbai waŋna an auŋa aia watrinanna taŋca. Na oŋgo taŋ laru te, oŋgo anduna watnandet, doŋki ŋgam ianna meikramtaira manmo mbiraca taŋ ŋgocora mina miŋkndaca eacrenan. Oŋgo mana ŋgatik piarca aŋgi kip. ³ Na ramoot ianna oŋmo digi te, ‘Kaina moca oŋgo doŋkimo aŋgica tanŋek?’ Te, oŋgo

manmo rutica aindop, 'Kacootta manmo ainqap, na inmbaia ma manmo tawina mac nda anqi kipnande.' " 4 Ainda moca maniqa matangqat, na maniqa tanqa doŋki ngam ianna taupca witikca eacrenanna watca, na mina an doŋkimo kac ianna tiŋna roumbca mikndaca eacrena. Ri, maniqa mana ngatikmo mapiari. 5 Ainda moca an ramtaira anna roumbca witikca eacrenanna, mina maniŋmo gaimda digiatna, "Onqo kaia mona moca gan doŋkina ngatik piarrena?" 6 Na Iesusa maniŋmo mboprina kamna kirar ngoinna maniqa minmo aindanda rutirina. Na mina maniŋmo doŋki anqi tanqa kammo, laŋ mambopat. 7 Karica maniqa Iesusmo doŋki anqica matangqat. Na maniqa ndoniŋna tik ngapaoc rocotniŋ rianqa anqica doŋkina kopik nambatta tikrina, ri, Iesusa an nambat nagac mambiracat. 8 Na meikramtair witta ndorita tik ngapoik roctir rianqa taup ndiŋ ngimtaca matanri. Na ndeida tanqa iŋkir raprimo kataca anqia kipca taup ndiŋ ngimtaca tanri. 9 Na meikramtair ndeida mammo outta tanrenanna, na ndeida mana inmbai nakiprenan, mina muruŋa gaimd ngaca mboprena, "Raran Aetaniacmo tongoca wirairan. Na Raran Aetaniac, an ramootta Kacootna i mbuŋ nakiprinanmo matau moran. 10 Na Raran Aetaniac mandeaca u aina bubuocna gagrirta ramoot paŋanmo matau mo. Na an gagrirta ramoot paŋan, ma aina nicau Dewitna wiwitnan kiprina. Na Raran Aetaniac Tamuŋ Ngoinnanna imo anqi ngepraŋ!"

11 Na Iesusa tanqa Ierusalem auŋ aniac

ndaruca, ma Raranj Aetaniacna Kacna wuoc inikca mbukca, ma anna reikca watta tanj, tanja maica ra irik mbukna mori, ma ndona ija rangairena parniŋapa mbut mbuniŋna ramtair aŋgica mina Betani auj mac nda matanjat.

Iesusa ik ŋgaŋinmo gaindopatna ma mba eritndai

(Matiu 21.18-19)

¹² Na iŋmbaina ra, mina Betani auj tikcarica mina Ierusalem auj mac nda tanje mbuŋa, Iesusa nik mawataiat. ¹³ Na ma watrinanna, ik ŋgaŋin ianna tawan ŋgoinna eac ŋgocor, na ma raprir tiŋgikap. Aintik ma an ik ndambuŋa tanja, mana gagaimbta orea wattatnanna, ma gagaimb kocor. Wanaij ŋgoin. Raprir tiŋgikca ndori eacri, na anna ŋgaŋinarta erna ŋaŋaira wanaij. ¹⁴ Ri, ma an ik ŋgaŋinmo gaindopatna, “U mba mac eritndai, te, meikramtaira unmo mba mac aŋgica amitndait. Wanaij ŋgoin.” Na mana ija rangairena ramtaira an kammo waracrina.

Kitukndukna aiŋa morena ramtairmo Iesusa ootta mandacatna

(Matiu 21.12-17 na Luk 19.45-48 na Ion 2.13-22)

¹⁵ Karica Iesusapa mana ija rangairena ramtaira tanja Ierusalem auj aniac ndaruca mambukat. Ri, ma Raranj Aetaniacna Kacna wuocna inikca mbukca, ma anna tikca kitukndukna aiŋa morena ramtairmo ootta mandacatna. Na ma mina kitcartukar ŋgetrikirena

ramtairta barermo rapaca irikri, na ngorikmo mbik tikca oikrena ramtairta mbibiracna reik motoca rapaca mairikat. ¹⁶ Na ma minmo an Raraŋ Aetaniacna Kacna wuoc inikmo reik aŋgica kip narica wandik matikat. ¹⁷ Na ma minmo gaimda riptiatna, “Raraŋ Aetaniacna timbigta kapca aindoprena, ‘Aukna Kaca kabena pitrik waŋna meikramtaira muruŋa an nakipca aukmo mbendeinande.’ Na ne anmo macmakimna meikramtairta ingorocna taupna kirara morina.”

¹⁸ Ainda moca taup ndamtair paŋaindapa tipemb wandik tamŋirena ramtaira an kamma waracatke, mina mana mo menacna iroarta maoreat. Na mina ainda morinanna, mina man narica nanambirina. Na anna gaimd, meikramtaira muruŋcamina mana riptirena kambta moca ngep ngoreac nangeprenna. ¹⁹ Na wigwacmbai mbuŋa Iesusapa mana iŋa raŋgairena ramtaira Ierusalem tikcarica mina matanŋat.

Mataua ripacrena ramoot, ma mbendei te, ma reikca aŋginandet

(Matiu 21.20-22)

²⁰ Karica inmbaina rana nŋarmuŋ nŋoinna Iesusapa mana iŋa raŋgairena ramtairap, mina mac nda kipca, mina an ik nŋaŋinmo wattatnanna ma maguruat. Na an ikna raprirapa mana kacrir toco kocnaia gurumacariat. ²¹ Na Pita an Iesusa moatna reac ndamŋiatke, ma gaimdoprina, “Riripti u wat, nŋoura u an ik

nganjinmo ngocraina ndopatnanna, mandeaca ma magururi.”²²⁻²³ Karica Iesusa mana kammo gaimda rutirina, “Aku nenmo gidik ngoinna gaimdopmandet. Ne Raraŋ Aetaniacmo ripacraŋ. Na ramoot ianna gan takurmo gaimdop te, ‘U ngepca macait inik ndaru irik.’ Na an ramootta ma iro nikinik mbuniŋ ngocor, na ma gaimd ngoinna ripacrina, an reaca ma mbop te, ma larunandet.²⁴ Na ne reac ian anŋina moca ripaca, ne Raraŋ Aetaniacmo mbendei te, ne anŋinande. Ainda moca ne ripac, Raraŋ Aetaniac, ma nenmo neanŋande. Aintik aku nenmo gaimd mambopek, an reaca ne mboprina kirar ndarunande.

²⁵⁻²⁶ “Na an kidrikca ne witikca mbendeina mo te, na ne gaimd ndamŋi, nenmo ramoot ianna tip ngoreacna makuk ianna morinan. Te, ne an ramootna tip ngoreacna makukmo mo kecar. Na nena Aetta tamuŋna auŋ ndeacrenan, ma nena tip ngoreacna makukmo ma mo kecarinandet.”*

*Iesusmo an gargara mandai neanŋatna
(Matiu 21.23-27 na Luk 20.1-8)*

²⁷ Karica Iesusapa mana iŋa ranŋairena ramtairap, mina Ierusalem mac nda tanŋa

11:22-23 Mt 17.20, na Lk 17.6, na 1 Ko 13.2 **11:24** Mt 7.7, na Lk 11.9, na In 14.13, na Ie 1.5-6 **11:25-26** Mt 5.23, na

6.14-15, na Kol 3.13 * **11:25-26** Na landamŋina ramtair ndeida gaimd ndamŋirena, kabena kam tip toca gan timbigta kapna inikca eacrenan. Na an kamma gaimd, “Ne kabena meikramtairta tipemb ngorikca moi kecar ngocor te, nena Aet toco nena tipemb ngorikca mba mac moi kecaritndai.”

malaruat. Na Iesusa tanga Raraj Aetani-acna Kacna wuoc inikca ndada tarjina. Ri, taup ndamtair paṅaindapa tipemb wandik tamjirena ramtairapa ramtair anikca mina man ndambuṅ nakiprina. ²⁸ Na mina manmo gainda digiatna, “U an i aniacapa gargarmo u tenna tikca aṅgiratna, na u an reikca morena? Na mandaia unmo an i aniac neaṅgatna, na unmo mbopca u an reikca morena?”

²⁹ Aindopatke Iesusa minmo gaindopatna, “Auk toco nenmo reac ianna digdigi ianap. Na ne aukna digdigimo wandoṅa ruti te, aku nenmo mbopnandet, mandaia ndo aukmo an i aniac neaṅga aku an aiṅira morena. ³⁰ Na an minna Ionna meikramtairmo kitac pukca morinanna, ne tit ndamṅiatna, anna tamuṅna auṅna reac, co, anna meikramtairta reac niṅgik? Ne aukna kambmo nda ruti.”

³¹ Ainda moca mina ndori puṅga gaindopatna, “Aia gaindop te, ‘Anna tamuṅna auṅna reac.’ Na ma aimo aindopnande, ‘Aind ecte, kaina moca ne Ionmo ripac ṅgocor?’ ³² Na aia gaindop te, ‘Anna ramootna reac niṅgik,’ an kam toca minna mba tikitndai.” Na mina aindoprinanna, mina meikramtairta nanambirina. Na meikramtaira muruṅcamiṅa aind ndamṅirena, Ionna ma ramma morena ramoot gidik. ³³ Ainda moca mina mana kammo gainda rutirina, “Aia mba lamṅireke.” Ri, Iesusa minmo gaindopatna, “Aind ecte, auk toco nemo mba mbopitndai, mandaia ndo aukmo an gargarapa i aniac neaṅga aku an aiṅa morena.”

12

Wainna wariŋ raupŋirena ramtair ŋgorikta kam roor

(Matiu 21.33-46 na Luk 20.9-19)

¹ Ainda moca Iesusa Iudana ramtair paŋaindmo kamb rour ndeid makeat. Na ma gaindoprina, “Ramoot ianna wainna wariŋ ianna moca, na ma anmo wuoc ŋgaocrina. Na ma au ianna iacrina, anmo wainna lourmo anna tikca kitac witikca wain puk aŋgina moca. Na ma wariŋna ndam ianna mamoot, te, ramtairmo an ndeac te, wariŋna ŋginaŋa mona moca. Na ma an wain wariŋmo raupŋirena ramtair ndeidta para tikcarica. Na ma ndo ŋgoinna tawanna auŋ ian matanŋat. ² Na an minna wainna erca, rua maiatke, ma ndona mbaiŋna aiŋa morena ramoot ianmo mbagiŋica ma an wain wariŋna raupŋirena ramtair tambuŋa taŋca, mina manmo an wariŋna wain neaŋna moca. ³ Ri, an wariŋ raupŋirena ramtaira an ramootmo muoca utiŋga, manmo laŋa mba piatke, na mamoo par kamainda mbagiŋica ma nda matanŋat. ⁴ Na an wariŋna aetta kabena mbaiŋna ramoot ian mac mbagiŋica min ndambuŋa taŋrina. Na mina manmo pia paŋan titacri, na mamoo numbirta kamb ndopca, na manmo tipemb ŋgorikca morina. ⁵ Na ma kabena mbaiŋna ramoot ian tuk mac mbagiŋiatna, na mina manmo moa menacatna. Na iŋmbaia ma ndona mbaiŋna aiŋa morena ramtair witmo mbagiŋina, na mina ndeidmo runŋatke, na ndeidmo mina pia mamenacat. ⁶ Na ramoot kabe niŋgiŋca ndo

eacrenanna, anna mana matjirena nuoc kabe niŋgik. Na iŋmbai ŋgoinna ma an nuocmo mbagirica ma an wainna wariŋna aiŋa morena ramtair tambuŋa taŋgatna. Na an wariŋna aetta aindopatna, ‘Mina aukna nuocmo tori te, mana kammo waracnandet.’ ⁷ Na an wain wariŋ raupŋirena ramtaira ndorita rikmo gaindoprina, ‘Gan ramoot, ma ndona aetna reikmo ma muruŋ naaŋgica ma aetta monande. Aria, aia manmo mo menac te, mana reikmo aia aetera mona.’ ⁸ Aintik mina manmo aŋgica, mammo mo menacrina. Na mina mana wairmo aŋgira wariŋ roubca keca malaruat.

⁹ “Na an wariŋna aetta ma tida moit? Ne warac. Ma kipca an wain wariŋ raupŋirena ramtairmo mo menacnandet. Te, ma an wain wariŋmo kabena ramtairta paira tiknandet.

¹⁰ “Na gan kam tipca Raraŋ Aetaniacna Timbigta Kap ndeacrenanna, ne mba watre ki, a? Na an kamma ma gaind,

‘Na gan kaca morena wautmo,
ramtaira anmo ŋgoreac ndopca,
aŋgira roumbmbai ndakecariatna
wautta,
mandeaca ma kacna witta moca,
paŋanmbaia witikca kacmo moa
gagraca maeacreke.

¹¹ Na Kacootta ndo an reaca mo larurina,
aia watrinan,
Ma laŋ ŋgoin.’ ”

¹² Na an ramtaír pañainda lamñirena, Iesusa keatna kam roora, anna min ngoin ndopa-pekna. Na mina manmo muoc utiña tonjongar koind, na mina meikramtaír tarica rugdar mamoot. Ainda moca mina manmo watcarica mina matangat.

*Sisana kitukndukca mandaia neañit
(Matiu 22.15-22 na Luk 20.20-26)*

¹³ Ainda moca ramtaír pañainda Parisina ramtaír ndeidapa gagrirta ramoot pañan Erotna tumbunna ramtaír ndeidmo, mbagirica mina Iesus ndambuña tangatna. Na mina Iesusmo paruca ma kam ndeidmo, ma katti mbop te, mina mana an kam mbuña nda ritri waparaca monande. ¹⁴ Ainda moca mina kipca manmo gaindopatna, “Riripti, aia lamñirena u kam gidikca ndoprena. Na u ramoot ian nake mba irikca mbiracrenanna. Na u meikramtaírmu kamb kirar kabe ndoprena. Mindacniñ mandaia irembtan, co, iremb kocortan. Na kam gidik mbuña u meikramtaírmu Rarañ Aetaniacna tipemb kirarirmo riptirena. Aintik u tit ndamñirena? Aia an gagrirta ramoot pañan aniac Sisana kitcartukar iurena ramtaírmu, kitukndukca neañit ki, co, wanaiñ? Na aia neañit, co, kariit?”

¹⁵ Na Iesusa ma atuna mina paparuna kambca ma lamñirena, na minmo gaindoprina, “Kaina moca ne aukmo towaiapekna? Aukmo kituknduk ian anñi kipca aku watna.” ¹⁶ Ri, mina kituknduk ianmo anñi kipca manmo neañga. Na ma minmo gainda digiatna, “Gan inpañanna

titrirapa ia anna mandainan?” Ri, mina aindopatna, “Anna Sisanan.” ¹⁷ Ainda moca Iesusa minmo gaindoprina, “Sisana reac ecte, lan, ne Sisamo nean. Na Raraņ Aetaniacna reac ecte, ne Raraņ Aetaniacmo nean.” Na mina mana kamma waraca mina ŋgep ŋgoreac ŋgoin nanęprina.

Sadisinanda Iesusmo ramoota menaca mac nda ŋgepeknanna digiatna

(Matiu 22.23-33 na Luk 20.27-40)

¹⁸ Karica Sadisina ramtair ndeida Iesus ndambuņ nakipca, mammo digdigiar ndeid madigiat. Na an tumbunna ramtaira aindoprena, menacrena meikramtaira, mina mba mac nda ŋgepitndai. Ainda moca mina Iesusmo gaindopatna, ¹⁹ “Riripti, Mosesa aimo tip wandik ianna tirra gaindoprina. Ramoot ianna menac te, na ma mombonik kocor, na mana meac konimma menac ŋgocor, na ma eac te. An menacatna ramootna lapmbitaca ma an meac konimmo lanęonande, te, ma mana mombonikca mo laru te, an menacatna ramootna kaminna mba topitndai, ma eacraņnandet. ²⁰ Na ŋgaua kalaip parmbaiapa mbut mbuniņa eacrinan. Na ramoot lacaua ma meac ianna lanęoca, ma mamenacat, na ma mombonik kocor. ²¹ Ainda moca man ndambuņna lapmbitaca, an meac konim mac malanęoat. Na ma toco, mamenacat, na ma mombonik kocor. Na an ndambuņna lapmbitac tukca aind kirar kabe mamooat. ²² Ainda moca

an kalaip parmbaiapa mbut mbuniņa, mina muruņa an meac konim malaņgoat, na mina muruņa mombonik kocor, na mina muruņa mamenacat. Na iņmbai ņgoinna an meac konim toco mamenacat. ²³ Na iņmbaia an menacatna ramtaira nda ņgep te, an meac konimma ma mandai ņgoinna meac ndeacit? Na u lamņirina, an ramtairpaikca an meac konimmo muruņa laņgoatna, na ma mina meac ndeacrina.”

²⁴ Karica Iesusa minmo gaindopatna, “Ne Raraņ Aetaniacna timbigta kap ndeacrena kambmo, ne mba lamņireke. Na ne Raraņ Aetaniacna gargar tocmo mba lamņireke. Aintik ne an kambmo katta mboprena. ²⁵ Na an minna meikramtaira menacrinanna, muk tikcarica mac nda ņgep te, an meikramtairmo mina minmo mba neaņ laņgoit, co mac laņgoit. Wanaiņ ņgoin. Mina an tamuņa auņna mbaiņna aiņa morena ņerņgaur toc ndeacnandet.

²⁶ “Na an meikramtaira menaca, mac nda ņgepatna kamma, ne Mosesna timbigta kapna inikna nininia, taca ik tekera wirrinanna ne mba watatke, a? Na an nininina inikca Raraņ Aetaniaca Mosesmo gaindopatna, ‘Aku, Abraamapa Aisakapa Iakopna Raraņ Aetaniac.’ ²⁷ Na Raraņ Aetaniac, ma menacrina meikramtairta Raraņ Aetaniaca wanaiņ. Ma meikramtaira eteacna watap eacrena Raraņ Aetaniac. Aintik nena kambca anna makatri.”

*Raraņ Aetaniacna out ņgoinna Tip Wandik
(Matu 22.34-40 na Luk 10.25-28)*

²⁸ Karica tipemb wandik tamñirena ramoot ianna kipca waracrinanna, Sadisina ramtaira Iesusap kamb punğa ipunğa mboprina. Na ma waracrinanna, Iesusa mina kambmo matau ngoinna nda rutirina. Ainda moca ma Iesusmo gaimda digirina, “Titocna Tip Wandikca ma Tipemb Wandikmo murunğa kundrina, na ma out ndeacrena?” ²⁹ Ri, Iesusa mana kammo gaimda rutirina, “Out ngoinna Tip Wandikca gaimd, ‘Ne Israelnanğep, ne matau ngoinna warac. Kacoot, ma ndo kabe niñgikca, ma aina Rarañ Aetaniac. ³⁰ Na u Rarañ Aetaniac niñgikmo matñirañ, ma una Kacoot. Na u manmo una iro nikinikapa, una ñeronğapa, una iroapa, una gargarapmo matñirañ.’ ³¹ Na an ndambuñna Tip Wandik ianna anna gade, ‘U ndona kamkabemo, u ndoa matñia morena kirara, min motoco u ainda mo.’ Na kabena Tip Wandik aniac ianna eac ngocor, na an Tip Wandikniñmo mba kunitndai. Wanaiñ.”

³² Ainda moca an tipemb wandik tamñirena ramootta Iesusmo gaimdoprina, “Riripti, una kamma anna lañ ngoin. Na ma gidik ngoin, Kacootta ma ndo kabe niñgikca Rarañ Aetaniac, na kabena Rarañ Aetaniaca eac ngocor. ³³ Na aia manmo ndorita iroar inkarapa landamñiarapa, aina gagrar koind punğap manmo matñirañ. Na aia ndorita kamkabearmo, aia ndori koinda matñia morena kirarira, aia min motocmo ainda mo. Na aia an Tip Wandikniñmo ranğai te, an

12:29 TW 6.4-5 **12:31** TN 19.18, na Gal 5.14, na Ie 2.8 **12:32** TW 4.35 **12:33** 1 Sml 15.22, na Ais 45.21, na Osi 6.6, na Mai 6.6-8, na Mt 22.37, na Lk 10.27

Tip Wandikca, ma mina an tac mbuŋa kocnaia rotacrena gimbambaro maniŋa kundrina. Na titocna gimbambar toco, ma kundrina.”

³⁴ Na Iesusa waracrinanna, an ramootta kambmo rutirinanna, anna ramootta iro landamŋi laŋapna ramootna kirar. Ri, Iesusa manmo gaindoprina, “U Raraŋ Aetaniacna bubuocmo, u tawanmbaica mba eacrena.”

Ainda moca meikramtaira muruŋa manmo digdigiaru digina rugdar morina.

Iesusa meikramtairmo Raraŋ Aetaniac baburina ramootna digiatna

(Matiu 22.41-46 na Luk 20.41-44)

³⁵ Ainda moca Iesusa Raraŋ Aetaniacna Kacna wuoc inik ndeacri, ma meikramtairmo kamb rip-tirina. Na ma gaindoprina, “Tida moca tipemb wandik tamŋirena ramtaira gaindoprenan, an ramootta Raraŋ Aetaniacna babuca mbagirica kipca aimo mac nda anŋina ramoot, anna Dewitna ŋgamair? ³⁶ Na Ŋeroŋ Ratta Dewitmo iro landamŋi neaŋrina, na Dewit, ma ndo ŋgoinna gaindopatna,

‘Raraŋ Aetaniac Kacootta aukna Kacootmo gaindopatna,

“U aukna par umbaia mbirac te,
aku una puŋnaŋepmo anŋiri,
una kaŋgaukca tiknande.” ’

³⁷ Na Dewit, ma ndo ngoinna an ramootmo ndona Kacoot ngacrena. Na kaica an ramootta ma Dewitna ngamair?”

Tipemb wandik tamjirena ramtairta tipemb kirarir

(Matiu 23.1-36 na Luk 11.37-54 na 20.45-47)

Ainda moca meikramtairta mimiati aniacacri, na mina Iesusna kamb mbaracna tojtongar koind. ³⁸ Na Iesusa meikramtairmo riptirena, na ma gaindopatna, “Ne tipemb wandik tamjirena ramtairtake, matau wat. Mina ndorimo meikramtaira mbik tikca tanga oikrena taupembmo, mina tik ngapoik roctir tikca tan te, meikramtaira mbikir tikca oikrena taupembca tikca minmo ndorimo ra lan neanjanana moca. ³⁹ Na mina tongorenanna, mina Iudananta mimitpac angjirena kaik inkarta outrembta mbibiraikta taupemb laina riacrena. Na amtiamb anikta raia, mina ndorimo outrembta mbibiraikta taupemb lain angjina riacrena. ⁴⁰ Na mina meik koinmbarmo parureke, mina kaik barermo wanainir naangjirena. Na mina paparuarta mbembendeia roctira morena. Ainda morena ramtair, inmbaia ritri waparacna ra laru te, mina makukar bagararanik koind angjanande.”

Meac konim ndaekmbaia gimbamba moatna

(Luk 21.1-4)

⁴¹ Karica Iesusa an ririptina kamb ndopa maiatke, ma tanga Raranj Aetaniacna Kacna wuoc inikca mbukka tanga kitukndukar tikrena

taupca tanca anna roumbmbai mambiracat. Ri, ma watrinanna meikramtair witta kipca ndorita gimbamba mona kitcartukarmo, an kituknduk tikrena taupca tikrina. Na laimnem-bta meikramtair witta kipca ndorita kitukndukar wit matikat. ⁴² Na reik kocorta meac konim ndaekmbai ianna kipca ma kituknduk mbuniņ nocniņ tikrina. ⁴³ Ri, Iesusa ndona iņa rangairena ramtairmo aca kipca, ma minmo gaindopatna, "Aku nemo gidik ŋgoinna gaindopnandet, gan reik kocorta meac konim ndaekmbaia, tikcapekna kitukndukca, an meikramtair muruņnan tikcapekna kitcartukarmo kunda tamuņ ŋgoiņ. ⁴⁴ Na an meikramtair witta mina kitukndukar witap, na mina mbatep ningik neaņrina. Na an meaca ma kamaind ŋgoiņ, ma ndoap eacrena minna kitukndukca ma an tikrina. Na ma ndona amta reik koikna kitukndukar kocor."

13

Raraņ Aetaniacna Kaca ŋgocrainandet (Matiu 24.1-2 na Luk 21.5-6)

¹ Karica Iesusa Raraņ Aetaniacna Kacna wuoc tikcarica tanġatke, mana iņa rangairena ramtairta ianna manmo gaindopatna, "Riripti, an Kacna watur lainapa kaik lainmo, u wat!"*
² Ri, Iesusa mana kammo gaimda rutirina, "U an kaik anikmo watrinanna, a? Mina an waturmo mba watcarica mina ndori tambatta mba mac

12:43 2 Ko 8.12 * **13:1** An Kacapa watur lainapa kaik lainġa wapatta, u Mati u saptu 24 wes 1na inikca wat. **13:2** Lk 19.44

eacitndai. Wanaiŋ ngoin. Mina an waturmo kocnai riŋi biriri iriknande, na mina mbinmbata mba mac eacitndait.”

*Iesusa makukar wit lataruna kam ndopatna
(Matiu 24.3-14 na Luk 21.7-19)*

³ Karica mina tanŋa Olip Takur ndaruca Iesusa tanŋa mbiraca Raraŋ Aetaniacna Kaca watta tanŋi. Na Pitaapa, Iemisapa, Ionapa, Andruap min ningikca man ndambuŋa kiprina. Na manmo gaimda digiatna, ⁴ “U aimo mbop, tumbuitta tik te, an reikca laruit? Na titna ngagatraca ndo out ndaru te, aia lamŋinande, an reik lataruna kidrikca maica kipca marambunairi?”

⁵ Na ma mina kammo gaimda nda rutirina, “Ne ndoritake, matau wat. Moca ramoot ianna nenmo paru nari. ⁶ Na meikramtair witta kipca aukna i ngaca gaimdopnandet, ‘Aku ndo, ande an ramoot.’ Te, mina meikramtair witmo parunandet.

⁷ “Na iŋmbaia ne runduikta mimitara warac te, na ne kabena pitrik waŋna runduikta kam wembaŋa warac te, ne ngep ngoreaca kai ngep teac. Na an reikca mina larunandet, na gan tiacarpaikna mamamaia mba larureke. ⁸ Na kabena pitrik waŋna ramtaira kabena pitrik waŋna ramtairap runduŋa monandet. Na kabena gagirirta ramtair paŋaindta wiwitna ramtaira mina ngepca kabena gagirirta ramtair paŋaindta wiwitap ruŋnande. Na gan tiacarpaikna auŋemb ndeida numnumar anikca

larunandet, na nik wapatai aniaca larunandet. Na an reikca anna meacmbita mırna irikca anğica eacrena girgirna kirar toc.

⁹ “Na an minna ne ndoritake, matau wat. Na mina nenmo ndorita ninikar wangorta outta tikca ritri waparaca monandet. Na mina nenmo Iudananta mimitpac anğirena kaikca tikca pinandet. Na mina aukna imo mo irikna moca nenmo ndorita gagirra ramtair pañaindapa ramtair anikta out naanği witikna iroara monandet. Aintik ne minmo kam wembañ lañ wiwiti. ¹⁰ Na gan tiacarpaikca mai ngocor ndeacrañ te, kam wembañ lañna kamma ma out ngoinna gan pitrik wañna meikramtairmo muruñcamiña tañca mina waracnandet. ¹¹ Na an minna mina nenmo muoc leaca ritri waparacna taup naanği tañ te, ne kai nanambica gaimda kai lamñi teac, ‘Aia tida moit?’ Wanaiñ. An minna Rarañ Aetaniaca nenmo mbombopna kambmo muruñcamiña neañnandet, na anna ne wiwitinandet. Na anna gaimd, ne ndori puñga kambca mba wiwitiitndai. Wanaiñ. Neron Ratta ndo an kambmo wiwitinandet. ¹² Na kalaipa ndorita ianmo ritri waparaca tikca, mammo mo menacna kamb topnandet. Na aetera ndorita mombonikmo an tipembta kirar kabea monandet. Na mombonikca ndorita ameraetermo puñnañgepca moca, ramtairmo mbopca mina mo menacna kamb ndopnandet. ¹³ Na meikramtaira muruñca nenmo nikiem-bkatnandet, na anna gaimd, aukna ia nenap

eacrena. Na meikramtaira gagraca eaci taŋi gan tiacarpaikna mamamaina ra laru te, Raraŋ Aetaniaca minmo mac nda aŋginandet.”

*Reac ŋgoreac ŋgoinna larunandet
(Matiu 24.15-28 na Luk 21.20-24)*

¹⁴ Na Makca gan timbigta kapca turrina kamma ma gaindopatna, “Ramootta gan kamma wat te, ma matau ŋgoin ndamŋiraŋ.” Na an kamma Iesusa gaind mac mbopatna, “An wandik tikrina taupca reac ŋgoreac ŋgoinna witikca eacrenanna, ne anna tiki watnandet. Na an minna meikramtaira Iudiana pitrik inik ndeacrenanna, mina kipcarica taukruirca taŋnandet.

¹⁵ Na ramootta kacmo tamuŋmbaica eac te, ma irik te, ma kaca mba mbukca reac ianna mba aŋgiritndai. ¹⁶ Na ramootta warin inik ndeac te, ma ndona kacmo mba nda taŋca ndona tik ŋgapaoc rocotta mba aŋgiritndai.

¹⁷ Na nikembta meikpitikapa meikpitikca mombonikca mir ambrenanna, an minna minpembta moca kadmai. ¹⁸ Na ne mbendeica an tik gagagauna kidrikca an reikca nenmo kai laru teac.

¹⁹ Na an minna makuk aniaca larunandet. Na Raraŋ Aetaniaca reikca moatna min mbuŋa tikca, kip, kipca mandeacna minna, aintocna makukca laru ŋgocor. Na inŋmbai toco ainta makuk ian toco mba mac laruitndait. ²⁰ Na Kacootta an makuk laruna kidrikca mo matpi ŋgocor te, meikramtaira muruŋcamiŋa topnandet. Na ma ndona larapacrina meikramtairta

13:14 Dan 9.27, na 11.31, na 12.11 **13:15** Lk 17.31 **13:17**
Lk 23.29 **13:18** Dan 12.1, na Iol 2.2, na KIEK 7.14

moca lamñiatke, ma an kidrikmo mo matpinandet.

²¹ “Na an minna ramoot ianna nenmo gaindop te, ‘Ne wat, Rarañ Aetaniaca babuca mbagirica kipca aimo mac nda aņgına ramootta, ma gan ndeacrena!’ Co, ‘Ne wat, ma mon ndeacrena.’ Na ne mina kambmo kai ripac teac. ²² Na ramtair ndeida kipca nenmo gaindopnandet, ‘Aku gade an ramootta Rarañ Aetaniaca babuca mbagirica kipca aimo mac nda aņgına ramoot,’ co, ‘Aku ramma morena ramoot ian.’ Te, mina ngagatracara morañ te, aintocna reik damara mo larunandet. Na gidik ngoin, mina min te, mina an Rarañ Aetaniaca larapacrina meikramtairmo parunandet. ²³ Ainda moca ne ndoritake, matau wat. Na aku nenmo reik lataruna kambca mambopreke.”

*Na iñmbaia Ramootna Nuoca kipnandet
(Matiu 24.29-31 na Luk 21.25-28)*

²⁴ Karica ma gaind mac mbopatna, “Na an makukna kidrikca mai te, ‘An kidrikca ra ma uriraca taņca mouņa kirar toc ndarunandet, te, karwaia ma mba mac metacitndai, ²⁵ te, guiara riac tamuņmo tikcarica pikin ngiriknandet, te, riac tamuņa reik gagarca numainandet.’ ²⁶ Te, an minna meikramtaira Ramootna Nuocmo watnandet, ma wawirirpaikna inik ndeaca, ma ndona memetacna tac aniacapa gargar aniacap kipnandet. ²⁷ Na an min toco,

13:22 TW 13.1-3, na KIEK 13.13 **13:24** Ais 13.10, na Esi 32.7, na Iol 2.10, na 2.31, na 3.15, na KIEK 6.12, na 8.12 **13:25** Ais 34.4, na Iol 2.10, na KIEK 6.13 **13:26** Dan 7.13, na Up 1.11, na 1 Te 4.16, na KIEK 1.7 **13:27** Mt 13.41

ma ndona mbaiŋna aiŋa morena ɲeɲŋaurmo mbagiŋica taŋca, ma ndonan ɲgoinna larapacrina meikramtairmo aŋgiri puninandet. Na ma minmo muruŋa gan tiacarpaikna pitrikca tikca aŋgi taŋca gan tiacarpaikapa riacna mama-maina min.”

*Ne ik kembera weweruekna raprira wat
(Matiu 24.32-35 na Luk 21.29-33)*

²⁸ Karica Iesusa minmo gaind mac mbopatna, “An minna ne ik kembera wat te, ne iroar aŋginande. Mana ɲaikca uprir ɲgaibca weweru te, ne lamɲinandet, pukrapacna kidrikca makipek. ²⁹ Aintik an kirar kabea ne an reik larueknanna wat te, ne lamɲinandet, Ramootna Nuoca kipca marambuŋairi. Na ma tiŋ kam maacreke. ³⁰ Na aku nemo gidik ɲgoinna aindopnande, gan minna meikramtaira menac ɲgocor ndeacraŋ te, mina an reik larueknanna, mina watnandet. ³¹ Na gan tiacarpaikapa riac tamuŋa topnandet, na aukna kambca mba topitndai.”

*An reik lataruna ra aia
lamɲi ɲgocor
(Matiu 24.36-44)*

³² Karica Iesusa gaind mac mbopatna, “Ramoot ianna an reik lataruna ra, co, ɲganganŋgica mba lamɲireke. Na Raraŋ Aetaniacna tamuŋa auŋna mbaiŋna aiŋa morena ɲeɲŋaur toco mba lamɲireke, na Raraŋ Aetaniacna Nuoc toco mba lamɲireke. Aetta ndo kabe niŋgikca ma ndo lamɲirena.

33 “Na ne matau wat. Ne memetmbaca kocroca eacraŋ. Na anna gaind, an reik lataruna kidrikca ne mba lamŋireke. 34 Na ma gaindta kirar, ramoot ianna ma ndona kac tikcarica ma kabena auŋa taŋrina. Na ma ndona mbaiŋna aiŋa morena ramtairmo ndona reikmo raupŋina mboprina, na ma minmo kabe, kabemo aiŋir biŋairina. Na ma an tiŋna ŋginaŋa morena ramootmo mboprina, ma an tiŋna ŋginaŋmo matau watti eacraŋ. 35 Aintik ne toco matau watti eacraŋ. Na ne mba lamŋireke, kaina min mbuŋa tikca kacna aetta mac nda kipit. Ma wig-wacmbai, co mouŋ riŋtacniŋ, co kacur aprena kidrik, co ŋaŋarmuŋ, anna ne mba lamŋireke. 36 Na moca ma tawi ŋgoiŋ nda kip te, ma nenmo wat nari, ne maŋgoreke. 37 Na an kambca aku nenmo neaŋrenan, anna aku meikramtairmo muruŋa neaŋrina. Na memetmbaca ne kocroca eacraŋ.”

14

Ramtair paŋaind anikca Iesusmo mo menacna kamb leacatna

(Matiu 26.1-5 na Luk 22.1-2 na Ion 11.45-53)

1 Karica rarapmbai mbuŋa an Pasowana Ra Aniacna ndamŋinanapa Isap Kuri ŋgocorta Tapacna Ra Aniacna ndamŋirena ra, ma larunande. Ri, taup ndamtair paŋaindapa tipemb wandik tamŋirena ramtaira gaindopatna, “Titoca tikca aia Iesusmo

13:34 Mt 25.14, na Lk 12.36-38

13:35 Lk 12.38

14:1 NA

12.1-27, na Mk 11.18

muoc utiņa manmo mo menacit?""* 2 Na mina aindopatna, "Aia Raraņ Aetaniacna mbembendeina rai anikta inikca kai mo teac? Moca meikramtaira anna watca mina aimo kaegapa runduņ aniaca mo ņgep nari."

Meac ianna Iesusna paņanmo tabair ruņkiatna

(Matiu 26.6-13 na Ion 12.1-8)

3 Na Iesusna taņņa Betani auņ ndaruca ma taņņa Saimonna kac ndeacri. Na Saimon tikca ņgaua ma roumb lepaap. Na Iesusna ambrena taupca mbiraca eacri, meac ianna makipat. Na an meaca ma tabaira rurena waut mbuņa morina reac ianap aņģirca makipri. Na an reaca ma kituknduk aniac mbuņa oikrena inpai laņ ņgoinna tabairap. Na ma an reacmo pi wiripca anna tabairmo Iesusna paņan nambat maruņkiat. 4 Na an ndeacrina ramtair ndeida anna watca mina nikembkatca. Karica mina ndorimo gaindopatna, "Kaina moca ma an tabairmo wanaiņa ruņkiapekna? 5 Na aia an tabairmo watcarica meikramtaira oik te, aia 300na minna silwana kitukndukar aņģirca meikramtair ndaekpembca neaņna min." Ainda moca mina an meacmo kaega morina. 6 Ri, Iesusna aindopatna, "Ne an meacmo watcari. Kaina moca ne manmo makukar neaņrena? Ma aukmo tip kirar laņ ņgoinna moapekna. 7 Na memetmbaca reik kocorta meikramtair ndaekpembca nenap eacraņnande. Na ne

* **14:1** Pasowana Ra: Na Pasowana Ra, u Mati u sapta 26 wes 2na inikca wat. An kam tip kirar kabe toco an ndeacrena. **14:3** Lk 7.37-38 **14:7** TW 15.11

minmo tumbuitta otacna tonjonggarap, ne minmo otacna min. Na aku ndo, aku nenapmo memetmbaca mba eacitndai. ⁸ An reaca an meaca mona min tik, ma morina. Na ma aukna tikmo inpai lanja tabair tikrinanna, anna ma aukna tikmo mukca tikna kocrorina. ⁹ Na aku nemo gidik ngoinna aindopnande, gan tiacarpaikca mina kam wemban lanmo wiwiti tan te, mina gan meaca morina reacna kambmo niniranandet. Te, mina man moatna reacna ndamjiranandet.”

Iudasa Iesusmo ramtair panainda para tikna babuatna

(Matiu 26.14-16 na Luk 22.3-6)

¹⁰ Ainda moca an kidrikca Iesusna inja rangairena ramtairta ianna, mana ia Iudas Iskariot, ma taup ndamtair panaind tambuņa tanrina. Ma Iesusmo mina para tikna moca. ¹¹ Na mina anna waraca tonjonggar koind. Na mina manmo kituknduk ndeid neanņa kam maleacat. Ainda moca Iudasa ngepca Iesusmo tida tikca mina para tikna malamjiri.

Iesua ndona inja rangairena ramtairap ambatna

(Matiu 26.17-25 na Luk 22.7-14 na 22.21-23 na Ion 13.21-30)

¹² Karica an Isap Kuri Ngocorta Tapacna Ra Aniacna ra lacaua malaruat. Na an ra mbuņa mina sipsipar ngaibmo mo menac te, an am te, an Pasowana Rana ndamjina moca. Ri, mana inja rangairena ramtaira gaindoprina,

“U tonjorinanna aia tenna tikca reik kocroit, te, aia amtiamma mona?” ¹³ Ainda moca Iesusa ndona ija rangairena ramtairta ramoot mbuniņa mandaca, aindoprina, “Onjo an auņ aniacmo taņca mbuk te. Ramoot ianna puk win aniac ian mbukca kiprenanna, oņmo taupca tikca ndauprikinandet. Te, onjo mana ranjaica taņ. ¹⁴ Na an kidrikca ma kac ianna mbuk te, onjo an kacna aetmo gaindop, ‘Ririptia aindoprina, “Aukna diab inikca ten ndeacre? Te, aukapa aukna ija rangairena ramtaira an amna reacmo am te, an Pasowana Rana ndamņina.” ’ ’ ”

¹⁵ Te, ma oņmo kac tamuņmbaina diab inik aniac ian wandacnande. Na amna reac tikca ambrena taupapa mbibiracna taupca, mina kocro maica eacrena. Te, onjo aina amta reikmo an diab inikca tikca kocro. ¹⁶ Ainda moca mana ija rangairena ramtairta ramootniņa matanġat. Na maniņa taņga an auņ aniac ndaruca, maniņa watrinanna, an reikca muruņa Iesusa mboprina kirar toc ndeacrina. Ri, maniņa Pasowana amta reikmo anna tikca kocrorina.

¹⁷ Na wigwacmbai mbuņa Iesusapa mana ija rangairena parniņapa mbut mbuniņna ramtairap mina kiprinan. ¹⁸ Na mina amna reacna taupca mbiraca ambri mbuņa Iesusa gaindopatna, “Aku nemo gidik ņgoinna aindopnande, nena rikna ramoot ianna aukmo, aukna puņnanġepta para tiknandet. Na mandeaca ma aukap maambreke.” ¹⁹ Na mana ija rangairena ramtaira an kamma waraca mina makadmairi, mina kabe, kabea ņgepca manmo gaind madi-

giat, “U auk ki, ndopre ki, a?” ²⁰ Ri, Iesusa minmo gaindoprina, “An ramootta ma nena parniŋapa mbut mbuniŋna rikna ian. Na an ramootta ma tapac tipmo aŋgica aukap tuoŋ inikca keca pukca ambrena. ²¹ Na anna gidik, Ramootna Nuoca ma menacnandet, an tipna kirara Raraŋ Aetaniacna timbigta kapca mboprinanna, ma ainda menacnandet. Na an ramootta, ma Ramootna Nuocmo puŋnaŋgepta para tikrinan, man mbaina kakadmai ŋgoin, ma makuk aniŋac ŋgoin aŋginandet. Na mana aemma manmo mir ŋgocor co, an reaca manmo mba laru mbe.”

*Iesusa ndona iŋa raŋgairena ramtairmo wain
pukapa
tapac neaŋgatna*

*(Matiu 26.26-30 na Luk 22.15-20 na 1 Korin
11.23-25)*

²² Ainda moca mina ambca eacri, Iesusa tapac ian aŋgirca, ma Raraŋ Aetaniacmo mbendeica kam laŋ neaŋgacarica, ma an tapacmo witkica ma ndona iŋa raŋgairena ramtairmo maneŋgat. Na ma gaindopatna, “Ne aŋgi, anna aukna tikbuit.” ²³ Na ma wain pukna kab ian aŋgirca, ma Raraŋ Aetaniacmo mbendeica, kam laŋ neaŋgacarica, ma minmo maneŋgat. Na mina muruŋa an ambrina. ²⁴ Ri, ma minmo gaindopatna, “Ganna aukna racaindpaik, na an mbuŋa Raraŋ Aetaniacap kam leacrina. Na aku ruŋkinande, te, meikramtair witmo otacnandet. ²⁵ Na aku nemo gidik ŋgoinna aindopnande, aku wain pukca mba amitndai, taŋca an minna aku

14:24 NA 24.8, na Ier 31.31-34, na Sek 9.11, na 1 Ko 10.16, na Ib 9.20

wain puk ngammo Raraŋ Aetaniacna bubuoc ngamma tikca ammandet.”

²⁶ Karica mina ŋap ian ngumbca, mina ngepca auŋ aniac Ierusalem tikcarica mina Olip Takur mac nda matanŋat.

Pita Iesusmo iŋ neaŋ witiknande

(Matiu 26.31-35 na Luk 22.31-34 na Ion 13.36-38)

²⁷ Karica Iesusa ndona iŋa ranŋairena ramtairmo gaindopatna, “Nena ritipaikca iriknandet, na anna gaind, Raraŋ Aetaniacna timbigta kapca gaindta kammapp, ‘Aku sipsiparta nginaŋa morena ramootta mo menac te, sipsipara kipcarica tamtamma taŋnandet.’ ²⁸ Na aku muk ndiŋ mac ngepca nenmo outta Galilia taŋnandet.” ²⁹ Ri, Pita manmo gaindopatna, “Aku mba nduitndai, mina muruŋa ritipaca irik te, na mina unmo tikcari te, aku unmo mba tikcariitndai.” ³⁰ Na Iesusa manmo gaindoprina, “Aku unmo gidik ngoinna aindopnande, mandeac mouŋa kackura kidrik mbuniŋa ap ngocor ndeacraŋ te, u kidrik mbonkaca aindopnandet, u aukmo lamŋi ngocor.” ³¹ Ri, Pita gagraca gaindopatna, “Wanaŋ ngoin, aku unap menacnandet, na aku ainda mba mbopitndai. Aku unmo mba lamŋirena!” Na mana iŋa ranŋairena ramtaira muruŋa an kam kirar kabe mambopat.

14:27 Sek 13.7, na Mk 14.50

14:28 Mt 28.16, na Mk 16.7

14:31 In 11.16

*Iesusa Getsemani wariņa
tikca mbendeiatna*

(Matiu 26.36-46 na Luk 22.39-46)

³² Karica Iesusapa mana iņa rangairena ramtaira tanğa mina Getsemani ņgacrena taup ianna tanğa malaruat. Na Iesusa minmo gaidoprina, “Ne ganna mbiraca eacraņ. Aku mbendeina mamoeķ.” ³³ Ri, ma Pitaapa, Ionapa, Iemisap aņģirca mina manap matanġat. Na mana iro inikca ma kakadmaiapa, iroar mananna tamtam tamņica kuricarica. ³⁴ Na ma minmo gaidoprina, “Aukna iro inikca makuk ņgoiņ, na aku menacna kirar mamoeķ. Na ne gan ndeacraņ te, ņginaņa mo.” ³⁵ Na ma tanğa mandaca ma pitriķ ņģirikca ma mambendeiat. Na ma toņģorinanna taupap te, an makuk ņgoreacmo ma iukainande. ³⁶ Na ma gaida mbendeirina, “*Abba*, Ate, u reikca muruņa mona min. Na aku toņģorinanna, u auk ndambuņa an kabmo mo keçari. Na u aukna toņģoņa kai rangai teac. Wanaiņ. U ndona toņģoņ niņģikca rangairaiņ.”†

³⁷ Karica ma ndona iņa rangairena ramtair mbonkac ndambuņa tanğa watrinanna, mina ņgori maeacri. Na ma Pitamo gaida digirina, “Saimon, u maņģoreķe? U ņgaņģaņģia kabena minna wat eacna minna wanaiņ ķi?” ³⁸ Ne ndoritate, wati mbendei eacraņ. Moca totowaiara nenmo laruca ne anna moca irik nari. Na anna

14:32 Mt 26.36, na In 18.1 **14:34** In 12.27 **14:36** Mk 10.38, na In 6.38, na Ro 8.15, na Gal 4.6, na Ib 5.7 † **14:36** Kabna miniņ: An kam roora ma ndona ġirģirapa memenacna kam ndoprena.

14:38 Lk 11.4, na Ro 7.23, na Gal 5.17

gidik, iroar inkara ma reicka mona tonjonggarap, na tikca ma tonjonggar kocor.”

³⁹ Karica ma mac nda tanja ma outta morina mbembendeina kirar mac morina. ⁴⁰ Na ma min ndambuņa mac nda kipca wattatnanna, mina ŋgori maeacri, na anna gaind, mina lamnikca numbacarica. Na an kidrikca ma minmo ombonņa ŋgeprinanna, mina mba lamŋiri, mina manmo titocna kamb ndopit.

⁴¹ Karica kidrik mbonkac mbuņa ma mac nda kipca, minmo gaindopatna, “Ne warac, ne wiktikca maŋgoreke. Na anna ma min. Mina Ramootna Nuocmo mandeaca tipemb ŋgorikta makukara morena ramtairta para neaŋna ŋganŋanŋina minna malaruca. ⁴² Ne wat! Aukmo mina para tikna ramootta makipca marambuŋairi, aintik ne ŋgepca aia tanja.”

*Iudasa Iesusmo puŋnanŋepta para tikatna
(Matiu 26.47-56 na Luk 22.47-53 na Ion 18.3-12)*

⁴³ Na Iesusa kam ndoprenan mbuņa Iudasa ramtairta tumbun aniacap kipca malarucat, na ma Iesus ndambuŋ matanġat. Na an ramootta ma Iesusna iņa ranġairena parniŋapa mbut mbuniŋna ramtairta ramoot ian. Na an ramtairta tumbun aniaca mina bugrimarapa ikir tipembap utiŋga kiprina. Na an ramtairmo, taup ndamtair paŋaindapa, tipemb wandik tamŋirena ramtairapa, ramtair paŋaindap, minmo Iudasap mbagirica mina kipatna. ⁴⁴ Na an ramootta Iesusmo mina para tiknanna, ma minmo ŋgagatrac ianna mona moca, mimo gaindopatna, “Aku an ramootmo pipopot te,

ande an ramoot, ma Iesus. Te, ne manmo muoc utiņa manmo matau ngoinna nginaņa moi, anņi taņ.”

⁴⁵ Ainda moca Iudasa kipca ma tawi ngoinna Iesus ndambuņa tanga manmo gaindopatna, “Riripti.” Ri, ma manmo pipopotatke. ⁴⁶ Na an kiprina ramtaira manmo muoca mautiņgat.

⁴⁷ Na ramoot ianna Iesusna kitimma eacre-nanna, ma ndona bugrimmo wiņga anņirca ma taup ndamoot paņan aniacna mbaiņa aiņa morena ramootmo an mbuņa wacrina, ri, an bugrimma mana koar ianmo kocnai waca katac keca mambutukat. ⁴⁸ Ainda moca Iesusa minmo gaindopatna, “Ne aukmo runduņapa macmakimna ramootna kirar toca, bugrimarapa ikir tipemb anņirca kipca aukmo an mbuņa pi muoci leacna kipri ki, a? ⁴⁹ Na ra, ra katuca aku memetmbaca nenapmo Raraņ Aetaniacna Kacna wuocna inikca eaca meikramtairmo ririptia morenanna. Ne aukmo anna tikca utiņa min? Na ne kaica aukmo anna tikca utiņ ngocor? Na anna miniņa gaind, Raraņ Aetaniacna timbigta kap ndeacrena kambca ma gidik ngoin ndarunandet.” ⁵⁰ Ainda moatke, mana iņa ranğairena ramtaira muruņcamiņa manmo tikcarica kipcamacariat.

Ramoot ngam ianna kipcamacariat

⁵¹ Karica ramoot ngam ianna Iesusna iņa ranğaica kiprinanna, ma ndona tikmo raranjīt gogok niņgik mbuņa leacrina. Na mina manmo muoc utiņa moatke, ⁵² ma kipcarica ndona

14:49 Ais 53.7, na Lk 19.47, na 22.37, na In 18.20 **14:50** Npā 88.8

raranit gogokmo tikcarica ma loorkamainda kipcamacariat.

Mina Iesusmo ritri waparaca moatna

(Matiu 26.57-68 na Luk 22.54-55 na 22.63-71 na Ion 18.13-14 na 18.19-24)

⁵³ Karica an ramtaira Iesusmo utinjrinanna, mina manmo taup ndamoot pañan aniacna kac naangia tañrina. Ri, ramtair anikapa, taup ndamtair pañaindapa, tipemb wandik tamñirena ramtairap mina muruñcamiña anna punica eacrina. ⁵⁴ Na Pita ma Iesusna iña ranğaica tañrina, na ma tawancait motem ndeacrina. Ri, ma an taup ndamoot pañan aniacna kacna wuoca mbukrina. Na ma tañca anna nğinaña morina ramtairapmo taca mbiraca ndona tikmo taca mo owaia eacri.

⁵⁵ Na taup ndamtair pañaindapa ninikar wañgora muruña ramtair ndeidmo aca kipca Iesusa moatna tipemb kirarirta kambmo wi-witina. Na mina tonğorinanna, mina ore watna, ma kaina makukca mo te, mina manmo mo menacna. Na mina makuk ianna mina mba ore watatke. ⁵⁶ Na ramtair witta manmo paparuarta nininiara morinanna, an nininiar toco kirar kabea wanaij. ⁵⁷ Na ramtair ndeida ngepca witikca manmo gaindta paparuana kamb ndoprina, ⁵⁸ "Aia waracrinanna, ma gaindoprina, 'Aku an Raranj Aetaniacna Kaca meikramtaira par mbuña morinanna tapinandet. Na rai mbonkac mbuña aku kabenanna monandet, na aku par mbuña mba moitndai.' " ⁵⁹ Na an kamb

toco, mina mboprinanna, anna kam wat, na ma kirar kabea wanaij.

⁶⁰ Ainda moca taup ndamoot pañan aniaca ninikar wañgorta outta ñgepca witikca, ma Iesusmo gaimda digirina, “U aina kam ian rutina toawanaiñna, wanaij ki, a? Na an kambca mina unmo mboprenan anna titoc?” ⁶¹ Ainda moca Iesusa kam kocor ndeacri, na mana kam ianna mba rutiatke.

Ri, an taup ndamoot pañan aniaca manmo gaimd mac digiatna, “U Rarañ Aetaniac, Tamuñ Ngoinna Nuoc, Rarañ Aetaniaca babuca mbagirica kipca aimo mac nda añaña ramoot ki? Co wanaij?” ⁶² Na Iesusa gaimdopatna, “Anna auk ñgoin. Te, ne watnandet, Ramootna Nuoca ma Rarañ Aetaniacna gargar aniacapna par umbaia mbiracnande. Na ma riac tamuña wawirpaikap kipnandet.” ⁶³ Ainda moca an taup ndamoot pañan aniaca, an kamna moca ma ñgep ñgoreac nañgepca ndona tik ñgapaocmo wiñ titaca ma gaimdopatna, “Aia kai, kabena ramtair mac aca gan ramootna tip kirar nake, kai ore teac. Wanaij. ⁶⁴ Na ne waracrina, ma Rarañ Aetaniacna taup añaña morena. Na ne tit ndamñirena, aia manmo tida moit?” Na mina muruñcamiña gaimdoprina, “Ma makukap, aintik ma menacnandet.”

⁶⁵ Ainda moca ramtair ndeida manmo tabera iurina, na mina mana lamñiacniñmo raranjit mbuña tamaia, na mina manmo piatna, na mina gaimdopatna, “U ramma moca mbop, mandaia

14:61 Ais 53.7, na Mk 15.5, na Lk 23.9 **14:62** Dan 7.13 **14:64** TN 24.16, na In 19.7

unmo piapekna.” Ri, piringa manmo utingga mana kapgin ngaprina.

*Pita aindopatna ma Iesusmo lamji ngocor
(Matiu 26.69-75 na Luk 22.56-62 na Ion 18.15-18 na 18.25-27)*

⁶⁶ Na Pita ma an taup ndamoot pañan aniacna kacmo raek pikinmbaina wuoc inikca eacri. Na taup ndamoot pañan aniacna mbaiña aiña morena meac ianna kiprina, ⁶⁷ na ma watri-nanna, Pita ndona tikca mo owaina tac roumb ndeacri. Na an meaca manmo matau ngoinna watikca ma Pitamo gaindopatna, “U toco an Nasaretna Iesusap eacatna.” ⁶⁸ Na Pita mana kammo wanaiña gaindopatna, “An kamma u mbopapeknanna, aku mba lamñirenan.” Na ma laruca wuocna tiñmo rambuñairi, kackur ianna maapat. ⁶⁹ Na an meaca Pitamo mac watca, ma anna witikca eacrena ramtairmo gaindopatna, “Gan ramootta ma mina tumbunna ian.” ⁷⁰ Na Pita gaind mac mbopatna, “Wanaiñ.”

Na eaca mandaca, anna witikca eacrena ramtaira Pitamo gaind mac mbopatna, “Gidik ngoin, u mina tumbunna ian. Na u Galilina ramoot ian.” ⁷¹ Aintik Pita ma gagraça gaindopatna, “Gidik tamuñ ngoin, ne mboprena ramootmo aku mba lamñirena. Na aku gidik ndop ngocor te, Rarañ Aetaniaca aukmo mo ngocrainande.” ⁷² Na ma mbopca maiatke, kackura anduna kidrik mbuniñ maapat. Na Pita malamñiat, an kamma Iesusa manmo mbopatanmo, “An minna kackura kidrik mbuniña ap ngocor ndeacrañ te, u kidrik mbonkaca

aindopnandet, u aukmo mba lamñirena.” Ri, Pita ma nananae bagaraniac ngoin mamoot.

15

Mina Iesusmo Pailat ndambuj naañgira tañrina

(Matiu 27.1-2 na 27.11-14 na Luk 23.1-5 na Ion 18.28-38)

¹ Ainda moca ñañarmuj ngoinna, taup ndamtair pañaindapa, ramtair pañaindapa, tipemb wandik tamñirena ramtairapa, ninik wanğorta ramtaira muruña mina punica, mina ndori mona reikta kamb mataua maleecat. Na inmbaia mina Iesusmo ngatik mbuña leaca mina manmo añgira tanga Pailatna par matikat. ² Karica Pailatta Iesusmo gaima digiatna, “U Iudananta gagrirta ramoot pañan ki?” Na Iesusa mana kammo gaima nda rutirina, “U ande mambopri.” ³ Na taup ndamtair pañainda manmo paparuna kamb wit koind puñga paru-rina, ⁴ na Pailatta manmo gaimd mac digiatna, “U tida moca kam ianna ruti mbop ngocor? Na u waracrinanna, an kamb witta mina unmo mbopapeknanna.” ⁵ Na Iesusa kam ianna mba mac rutiri, na anna Pailatmo moca ma tamtam malamñiat.

Pailatta Iesusmo ik naañgi keracna kam ndopatna

(Matiu 27.15-26 na Luk 23.13-25 na Ion 18.38—19.16)

⁶ Na memetmbaca iar kabe, kabea mina antiamna ra aniaca Pailatta ma kac ngoreac ndeacrena ramtairmo, ma ramoot kabemo watarica ma larurena. Na meikramtaira an kac ngoreac ndeacrena ramootna i ngaca mbop te, Pailatta an ramootmo wattarica ma laruca min ndambuņa tajrena. ⁷ Na an minna Iudana ramtair ndeida Romna paņanna kaņgauk ndeacrena meikramtairap runduņa moca ramtair ndeidmo moa menacri, mina minmo kac ngoreaca tikrina. Na an ramtairta tumbunna ramoot ianna, mana ia Barabas, ma toco an kac ngoreacna inik ndeacrina. ⁸ Ainda moca meikramtaira kipca Pailatta ngaua minmo, morina tipna kirarna moca mina manmo madigiat. ⁹ Ri, ma mina kambmo gaimda rutirina, “Ne toņgorinanna, aku nenmo Iudananta gagrirta ramoot paņanmo nen ndambuņa watarica makipit ki?” ¹⁰ Na Pailatta ma aindopinanna, anna gaimd, ma lamņirinanna, taup ndamtair paņaind anikca Iesusmo nikinik iroar inkar ngorikcap tik, mina manmo man ndambuņ naaņgi kipca ma manmo ritri waparaca mona. ¹¹ Ri, taup ndamtair paņaind anikca meikramtairta iroar inkarmo mo ngepca, mina Pailatmo aca mbopca ma Iesusmo kai watarica laru teac. Ma Barabasmu wattarica ma laruca min ndambuņa tajri. ¹² Karica Pailatta minmo mac digiatna, “Na ne toņgorinanna gan ramootta ne manmo Iudananta gagrirta ramoot paņan ngacrenanmo, aku manmo tida moit?” ¹³ Na mina gaimd ngaca mbopatna,

“Mamo ik naanḡi kerac.” ¹⁴ Ri, Pailatta minmo digiatna, “Kaica? Ma kaia moa ḡgocrairina?” Na mina kocnaia aca mboracrina, “Manmo ik naanḡi kerac.” ¹⁵ Ri, Pailatta meikramtairmo mo tonḡona mori, ma Barabasmō wattacarica ma min ndambuḡa taḡrina. Na ma mbopca lapoca ruḡrena ramtaira Iesusmo pi ḡgoreac ḡgoinna pirinan. Na iḡmbaia ma Iesusmo lapoca ruḡrena ramtairta para tik te, mina manmo ik naanḡi keracnande.

Lapoca ruḡrena ramtaira Iesusmo pepereca mboprina

(Matiu 27.27-31 na Ion 19.2-3)

¹⁶ Na lapoca ruḡrena ramtaira Iesusmo Ierusalemna bubuocrena ramoot paḡanna kacna wuoc inik naanḡia mbukri, mina an lapoca ruḡrena ramtairmo muruḡa aca kiprina. ¹⁷ Na mina Iesusmo tik ḡgapaoc laup ian aocrina. Na mina lacarapna ḡgatik kunna kirarna ḡgatik anḡica an mbuḡa gagrirta ramootna paḡanna tikrena reac ian mamoot. Na mina Iesusna paḡan matikat. ¹⁸ Ri, mina manmo gaidopatna, “Ra laḡ, Iudananta gagrirta ramoot paḡan!” ¹⁹ Na mina ruktuk ian anḡica mana paḡanna pirina. Na mina manmo taber iurina. Na mina ndorita tutpemb rimbitca manmo an tipemb kirarira moca manmo i aniac neaḡna morina. ²⁰ Karica mina manmo ainda moa maiatke, mina an tik ḡgapaoc laupa mana tikca tikatnan mac nda rianḡa anḡiratke, mana tik ḡgapaoc ḡgoinna mac maaocat. Ri, mina mamō ik nakeracna moca anḡira matanḡat.

*Mina Iesusmo anġira ik makeracat
(Matiu 27.32-44 na Luk 23.26-43 na Ion 19.17-27)*

²¹ Na Sairini auġna Saimon, ma kipca an auġ aniaa mbukna moatke. Na Saimon tikca ma Rupusapa Aleksanderna aet. Ri, an lapoca ruġrena ramtaira man anġirca manmo moca ma Iesusna ik nakeracna ikmo anġirca mambukat.

²² Na mina Iesusmo taup ian naanġira taġrina, mana ia *Golgota*. Na an taupna ina miniġa gaind, Paġan Tiangapna Gagarna taup. ²³ Na mina Iesusmo wain pukca mina meikramtair ro-raise reacap kurinan neaġri, na ma mba ambatke. ²⁴ Ainda moca lapoca ruġrena ramtaira Iesusmo anġira ik makeracat. Na mina ndori puġa mana tik ġgapaocapa reikmo mabiġaiat. Na mina matip rocotna kirarna gegerei nagereica watnande, mandaia ndo mana titocna reaca anġirit.*

²⁵ Na ġaġarmuġna rana ġgaġganġica par kabeapa mbutremb pair mbuġa mina Iesusmo ik naanġi makeracat. ²⁶ Na an kapwaġmo mina mana ritrica orea waracrina kamma an nambatta mina gan kam tip tirca eacrenan, "IUDANANTA GAGRIRTA RAMOOT PAġAN." ²⁷⁻²⁸ Na mina manapmo macmakimna ramootniġapmo ik nakeracrina. Ianna mana par umbai, na ianna

15:21 Ro 16.13 **15:24** ġap 22.18 * **15:24** Satu mbuġa mina gereia watna, mandaia laġa mo te, ma reac anġinande. Na aia toco, matip rocot nagegereina gereia watna, mandaia laġa mo te, ma an reac anġinande. **15:27-28** Ais 53.12

mana par aenɯmbai.†

²⁹ Na meikramtaira taŋ kip tikrinanna, mina manmo peperena kamb ŋgorik mambopri. Na mina ndorita paŋaind korereca aindopatna, “Aria, u Raraŋ Aetaniacna Kacmo tapica, rai mbonkacna inik mbuŋa u mac monande. ³⁰ Na mandeaca u ndomo otaca, an ik nakeracmo tikcarica irik.” ³¹ Na taup ndamtair paŋaindapa, tipemb wandik tamɯirena ramtair toco, manmo pepereca mboprina. Na mina ndorita rikmo gaindopatna, “Ma kabena meikramtairmo otacrena, na ma ndo ŋgoin ŋgotacna minna wanaiŋ. ³² Na an ramoot ma Raraŋ Aetaniaca babuca mbagirica kipca aimo mac nda aŋgina ramoot, na ma Israelna gagrirta ramoot paŋan, ma an ik nakeraca eacrenanmo tikcarica irikca aia wat te, aia ripacnande.” Na an ramootniŋa mina Iesusna roumbna ik nakeracrinanna, maniŋ toco manmo pepereca mboprina.

Iesusa menacatna

(Matiu 27.45-56 na Luk 23.44-49 na Ion 19.28-30)

³³ Karica rana ŋganɯganɯgia gaca rimbiŋa riŋri, gan tiacarpaikca muruŋa neaupdiriŋ aniaca wiŋga makitacat, eaca taŋga wigwacmbaina rana ŋganɯganɯgia mbonkacna min matikat. ³⁴ Na rana ŋganɯganɯgia mbonkacna minna

† **15:27-28** Na landamɯjina ramtair ndeida gaind ndamɯjirina, kabena kam emtem toco, gan kammap eacrena. Na ma gaind, Raraŋ Aetaniacna timbigta kapna kamma gidikca larurina, “Meikramtaira manmo ramoot ŋgoreac toco watnande.”

15:29 Nɯap 22.7, na 109.25, na Mk 14.58, na In 2.19 **15:33** Emo 8.9 **15:34** Nɯap 22.1

tikatke, Iesusa kam aniac ngoin mbuŋ gaind ngaca mbopatna, “*Eloi, Eloi, lama sabaktani?*” Na an kamna miniŋa gaind, “Aukna Raraŋ Aetaniac, aukna Raraŋ Aetaniac, kaina moca u aukmo tikcaririna.” ³⁵ Ri, ramtair ndeida rambuŋ ndeacrenanna, mina an kamma waraca mina gaindopatna, “Ne warac. Ma Elaiana ngacrena.” ³⁶ Na ramoot ianna ootta tanŋa puk wiŋrena reaca mina spans ngacrena reacmo aŋgirca mambarina wain puk inikca tikca, an mambarina wain pukca anna mbukca minna tikri, ma aŋgirca ik tip ianna leaca manmo neaŋamna mori. Na an ramootta gaindopatna, “Pac lambica, aia watna, moca Elaiia kipca manmo aŋgir irikit, co wanaiŋ?” ³⁷ Na Iesusa kam aniac ngoin keca, na ma mamenacat.

³⁸ Na an raraŋit aniaca Raraŋ Aetaniacna Kacna tiŋ inikca wawaraca eacrenanna, ma tamuŋa tikca titaca irikca pikin matikat. Na waŋ mbuniŋ malaruat. ³⁹ Na lapoca ruŋrena ramoot paŋanna Iesusna kitimma witikca eacrinanna, ma Iesusa menacrina tip kirara watca, ma gaindoprina, “Gidik ngoin, an ramootta ma Raraŋ Aetaniacna Nuoc.”

⁴⁰ Na meik ndeid toco tawancait motemma witikca watrenanna, mina rikna ianna Makdala auŋna Maria. Na ianna Salome. Na ianna Maria, ma Iemis tekerapa Iosepna aem. ⁴¹ Na an minna Iesusa Galili ndeacri, an meikpitikca manmo ranŋaica manmo otacrina. Na meik wit

15:36 Ŋap 69.21 **15:38** NA 26.31-33, na 2 Nin 3.14, na Ib 6.19
15:40 Lk 8.2-3

toco an ndeacri, mina Iesusapmo Ierusalem aun
aniaca tanrina.

*Mina Iesusna wairmo waut inikna mukca
tikatna*

*(Matiu 27.57-61 na Luk 23.50-55 na Ion 19.38-
42)*

⁴²⁻⁴³ Karica an rana wigwac mbuŋa Arimatia
aunna Iosepa, makipat. Na ma mina ninik
waŋna tumbunna ramoot ian, na meikramtairta
lamniac ŋgoutta ma i laŋap eacrena ramoot.
Na ma toco Raraŋ Aetaniacna bubuoca watna
lambirena. Na ŋorapmbaia anna Wiktitikna
Ra, aintik mandeaca anna amna reikapa reikmo
kocrona ra. Ainda moca Iosepa mba nanam-
biatke, ma tanŋa Pailatna outta witikca, ma
manmo digica Iesusna wairmo, watcarica ma
aŋgina. ⁴⁴ Na Pailatta tamtam ndamŋica ma
gaindopatna, “Ma menacri ki?” Na ma lapoca
ruŋrena ramtairta ramoot paŋan aniacmo, aca
kipca manmo madigiat, “Iesusa menacri ki,
wanaiŋ?” ⁴⁵ Na ma mana kambmo waraca
maiatke, ma Iosepmo mbopca, ma Iesusna wair
aŋgina min. ⁴⁶ Ainda moca Iosepa tanŋa
raraŋit gogok ian ŋgoikca, ma Iesusna wairmo
aŋgira mairikat. Na ma an mbuŋ matamairi,
na ma an wairmo aŋgi tanŋa wautna mukca
ramtaira morina muk inikca tikrina. Na Iosepa
an mukna tiŋmo waut aniac ian rukica tanŋa
mboracrina. ⁴⁷ Na Makdala aunna Mariaapa,
Maria Iosepna aemma eacri, manija Iesusna
wair tikrina taupca watrina.

16

Iesusa mac nda manjepat

(Matiu 28.1-8 na Luk 24.1-12 na Ion 20.1-10)

¹ Karica Wiktitikna Ra maiatke, Makdala auŋna Mariaapa, Salomeapa, Maria Iemisna aemmap, mina tabrirapa inpemb lainŋa reikap oikca aŋgirca kiprina, na mina Iesusna wairmo matauna taŋna moca. ² Na raita ŋgatna ra la-cauna ŋaŋarmuŋ ŋgoinna mina muk matanŋat. ³ Na mina ndorita rikmo gaindopatna, “Mandaia ndo aimo otaca taŋca tiŋ mboraca eacrena waut aniacmo rukica tiŋa gotit?” ⁴ Na an kidrikca mina kipca rambuŋairi, na mina watta taŋrinanna, an taŋga mboracrina wautta tiŋmo mba mac aŋgia mboracri. Wanaiŋ. Mina rukica taŋga roumbca tikca eacrina. Na an wautta bagaraniac ŋgoin. ⁵ Ainda moca mina an muk inik mambukat, na mina watrinanna, ramoot ŋgam ianna par umbaia mbiraca eacrina, na ma tik ŋgapaoc gogok rocot aoca eacrena. Na mina mana watca ŋgep ŋgoreac nangeprina.

⁶ Na ma minmo gaindopatna, “Ne kai nanambi teac. Aku lamŋirena, ne Nasaret auŋna Iesusa mina ik nakeracinanna, orena kiprina. Na ma mac nda ŋgeprina. Na ma ganna mba eacreke. An taupca mina manmo anna tikrinanmo ne wat. ⁷ Na ne taŋca mana iŋa ranŋairena ramtairapa Pita motoca kam neaŋ, Iesusa nenmo Galili auŋmo, outta taŋnande. Na ne manmo Galili auŋa tikca watnande, an kirara ma nenmo ŋgaua mbopatna.”

⁸ Aında moca an meikpitikca nda laruca, mina mukmo tikcarica kipcarica matangat. Na mina iroar inkara ngep ngoreac nanjepri, mina manekri. Na mina ramoot ianmo kam ianna mba mbopatke, mina nanambicariatna.*

*Makdala auņa Maria Iesusmo watrina
(Matiu 28.9-10 na Ion 20.11-18)*

⁹ Na Iesusa rana ngat kabena ra lacauna njanarmun ngoinna ma mac nda ngeprina. Na ma Makdala auņa Mariamo out ndarurina. Na an meac tikca ngaua Iesusa manmo par kabeapa mbut mbuniņa nerngaur ngorikapnanna moa kecaririna. ¹⁰ Ri, Maria ma tanğa Iesusap ngaua tanrena ramtairmo mambopat. Na an ramtaira iroar inkar makukuca eacrenanna mina aarena. ¹¹ Na ma minmo gaindopatna, “Iesusa ma eteacna watap, na ma eacrena. Na aku manmo watrina.” Na mina an kambmo waraca mina mba ripacatke.

* **16:8** Landamņina ramtair witta gaind ndamņirena, an kambca sapta 16 wes 9na tanğa wes 20na min ndeacrena, Makca mba tiratke, anmo kabena ramootta iņmbaia tiratnan. Na an kamna taupca, landamņina ramtair ndeida gaind ndamņirina, kabena kam tip emtemma eacrena. Na an kamma gaind, “An meikpitikca tanğa Pitaapa manap eacrena ramtairmo kamb witta mba mbopri. An meikca minmo an ramoot ngamma minmo mbopatna kamb ndoprina. Na iņmbaia Iesusa ndo minmo kam anğica tanğa aiņa neanğa mina gan tiacarpaikna auņembmo tanri. An aiņmo mina ra gagaca tikca mo ngepca tanğa ra itirikna min, na anna Raraņ Aetaniaca ndona meikramtair mac nda anğina kam, na minmo iarwara eteacna wat lan neanğa. Na an kamma anna Raraņ Aetaniac niņgiknan, ma mba maiitndai.”

16:9 Lk 8.2 **16:10** Lk 24.10

Iesusna ija rangairena ramtairta ramoot mbuniņa Iesusmo taupca tikca watrina

(Luk 24.13-35)

¹² Karica inmbaia mana ija rangairena ramootniņa, an auņ aniacmo tikcarica taup ndiņa taņri. Na Iesusa maniņ ndambuņ ndaruri-nanna, ma kabena ramootna tikna kirar toc ndarurina. ¹³ Na maniņa taņga mana ija rangairena ramtairmo an kam ndoprina, na mina maniņmo mba ripacatke.

Iesusa ndona ija rangairena ramtairta aiņna kam ndoprina

(Matiu 28.16-20 na Luk 24.36-49 na Ion 20.19-23)

¹⁴ Ainda moca inmbaia mana ija rangairena ramtair parniņapa mbut kabena minna ramtaira, mbiraca ambca eacri mbuņa Iesusa min ndambuņ malaruat. Na ma minmo kaega moatnanna, anna gaind, mina iroar inkara gagnar koind, aintik ma mac nda ņgepatnanna, mina ritipaik kocor. Na meikramtaira manmo watca anna kam ndoprinanmo, mina minmo mba ripacatke. ¹⁵ Karica ma minmo gaindopatna, "Ne gan tiacarpaikmo muruņa taņca meikramtairmo muruņcamiņmo kam wembaņ laņmo wiwiti taņ. ¹⁶ Na ramootta ripaca kitac puk aņgır te, Raraņ Aetaniaca manmo mac nda aņginandet. Na ramootta ripac ņgocor te, ma ritri waparacna ramo ma laruca witiknandet. Na an minna Raraņ

Aetaniaca manmo mba angiritndait. ¹⁷ Na Raranj Aetaniaca ripacrena meikramtairta pair punja, ma ngagatraca monandet. Na mina aukna i mbuņa mina ńerņgaur ńgorikmo mo kecarinandet, na mina kabena auņa kam mbuņ toco mbopnandet. ¹⁸ Na mina nduipmo ndorita pair punja utiņnandet. Na mina titocna pukna kocna reikca meikramtaira moa menacrenanna, am te, an koca minmo mba mo ńgocraiiitndai. Na roumbbehta meikramtairmo mina ndorita pair tik te, mina laiņa monandet.”

*Iesusa tamuņa auņ mac
nda magat*

*(Luk 24.50-53 na Up Angirena Ramtairta Aiņ
1.9-11)*

¹⁹ Karica Kacoot Iesusa minmo kamb topca maiatke, Raranj Aetaniaca manmo tamuņa auņ naangira matangat. Na Iesusa tanga mana par umbaiia mambiracat. ²⁰ Ainda moatke, mana iņa rangairena ramtaira matangat, na mina kam wembanj laņmo auņembmo muruņ mawiwitiri. Na Kacootta minap aiņa mori, na ma minmo moa gagraca mina ńgagatracara morina, na mina kambmo moa gagarina.

16:17 Up 2.4, na 5.16, na 8.7, na 10.46, na 1 Ko 12.10, na 12.28

16:18 Lk 10.19, na Up 5.15-16, na 28.3-9, na Ie 5.14-15 **16:19**

Ņap 110.1, na Up 1.2-3, na 1.9-11, na 2.33-34, na 7.55 **16:20** Up 5.12, na 14.3, na 1 Ko 2.4-5, na Ib 2.3-4

**Raraj Aetaniacna Kam Wemban Lan
New Testament in Mborena Kam language
Nupela Testamen long tokples Mborena Kam long
Niugini**

copyright © 2016 Pioneer Bible Translators

Language: Borei

Translation by: Pioneer Bible Translators

© Pioneer Bible Translators Association of Papua New Guinea, Inc.; © Pioneer Bible Translators of Dallas, Texas, USA

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 21 Feb 2024 from source files dated 29 Jan 2022

8e1073ed-d2dc-5f3a-bb48-5406185123a7